

四庫全書

史部

欽定四庫全書

御定資治通鑑綱目三編卷三十一

起戊午明神宗萬曆四十六年
盡庚申明光宗泰昌元年
凡三年

戊午四十六年春二月振廣東饑

以上年
災故也

三月振陝西饑

四十五年陝西西安南寧等州縣俱被災以應解稅
監正耗銀二萬二千兩延西管糧衙門贖罰銀三十
兩并留稅銀
一年分別振濟

夏四月京城壕水赤

自正陽門外至宣武門約三里餘

質實

正陽門京城

河水盡赤深如漬血經月乃止

元至元四年建曰麗正門明初因之正統四年改今名宣武門京城南之右曰宣武門元至元四年建曰

順承門明初因之

正統四年改今名

大清兵克撫順

時我

太祖高皇帝親率步騎兵二萬進發臨行書七大恨告

天其詞曰我之

祖父未嘗損明邊一草寸土無端啟釁邊陲害我

祖父恨一也明雖啟釁我尚欲修好設碑勒誓彼此毋越疆

同越者見即誅之見而故縱殃及縱者明復漸誓言

運兵越界衝助葉赫恨二也明人於清河以南江岸以北身處窮蹙疆場肆其攘奪我遵誓行株明負苗盟責我攢殺拘我廣寧使臣綢古里方吉納扶取十人殺之邊境恨三也明越境以兵助葉赫俾我已勝之女改適蒙古恨四也柴河三岔撫安三路我累世分守疆土之衆耕田藝穀明不容刈殺違兵逐恨五也邊外葉赫獲罪于

天明

乃偏信其言特遣使臣遺書詔署肆行凌侮恨六也昔

天既

授我哈達之人矣明又黨之挾我以還其國已而哈達

天厭

呼倫敵葉赫侵掠初呼倫諸國合兵侵我故數被葉赫

天棄之葉赫抗

天意倒置是非罔為判斷恨七也因此七大恨是以征之隨

告諸貝勒大臣凡俘獲之人勿去衣服勿淫婦女勿離異其匹配拒戰而死者聽其死歸順者勿加誅戮

嚴諭畢遂趨撫順以四月甲辰昧爽圍其城執一人
遺書諭遊擊李永芳降永芳得書冠帶立城南門上言
納款事又令軍士備守具我兵見之樹雲梯不移時
登陴永芳遂出城降誠勿殺城中人並撫輯之於是
撫順東川瑪根丹三城及臺堡寨共五百餘悉下撫
順守城千總王命印死之乃徙城中人口歸廣寧總
兵張承慶率師以萬人往援分兵為三據險立營以
待

大軍乘風奮擊大破其營承慶及遼陽副將頗廷相海
州參將蒲世芳遊擊梁汝貴皆戰死士卒逃歸者十
無一二諸堡皆陷時察罕胡土克圖及西部阿蘇妻
瑞達勒皆擁衆入邊乘機邀賞羽書日數十至中外
戒嚴帝初頗憂懼章奏時
質實清河在開元縣東三
下不數月池池如故矣
十里源山三萬衛東

北分水嶺南流經城東南十五里合小清河染河在
鐵嶺縣北二里有堡在縣東北六十里三岔堡名在

前此征倭之役
楊鎬已悉天下
之全力一舉喪
之尚敢說詞報
復其罪既不容
誅至撫遼仍復

龍門衛東撫安堡名在鐵嶺縣東南四十里撫順城
在承德縣東南今與京接界城周三里門一東州
在承德縣東南一百十里周四里餘瑪根丹在威
京城東一百三十里王命印乾隆四十一年追謚節
愍張承慶榆林衛人部管臣子乾隆四十一年追謚
忠烈顏廷相蒲世若梁汝賓俱乾隆四十一年追謚
烈愍

閏四月起楊鎬為兵部左侍郎兼銓都御史經畧遼東

初征倭事竣三十八年起鎬撫遼東襲兆哈於鎮安
破之田生金勅其開釁時遠左多事鎬力薦李如梅
請復用為大將為給事中庾信御史楊州鶴所勅鎬
甄辨乞休旋引去及是以遠警廷議謂鎬熟諳遼事
起兵部侍郎往經畧時遠左之餉及兵以或政尚書
薛三才言調登州兵一千五百名南京水陸二營兵

故官旋以開蒙
勅罷安望復有
經畧之數廷臣
無識謬稱熟諳
邊情濫選推轂
不旋踵而措置
茫然全軍並覆
鎬固死有餘辜
而廷評之顛倒
是非益可概見
矣

三千名赴援并發內庫銀十萬兩餉軍尋戶科給事中官應震言所發內庫十萬兩內五萬九千兩或黑如漆或脆如土蓋為不用朽蠹之象當今邊事孔棘儻多特發速成大捷則化無用為有用又金花銀每歲一百二十萬有奇正統前雖屬左藏然會典載各邊緩急取足其中嘉靖改隸太倉專以濟邊不許別項那用皇上初年移入大內遂致太倉缺額兵餉日虧若使在內者槩從損發在外者槩引歸還庶于邊事有濟疏
質實鎮安堡名成化八年置在雲州堡東入不報
金花銀見正統元年楊州鶴濬縣人

日中有黑子

是月丙戌至戊子三日有黑氣出入日中摩盪經久不散

五月貴州苗作亂巡撫張鶴鳴討平之

時貴州諸苗不靖在定廣威平則有阿蘇潘三王安
老寡整等在洪邊則有王應科羅文戴廷鸞等在勻
哈平越則有王三王汝臣王守武吳惟正吳起龍王
維翰等在安龍一帶則有郎豹郎厥狼等俱招七
納叛叔殺官民截留京餉道路阻
施鵬鳴俱命官遣將以次討平之
軍安撫司地萬厯四年置川廣順州本金筑長官司
地萬厯十年置州今俱屬貴陽府威清衛洪武二十
三年置今為鎮寧州平壩衛洪武二十三年置今為
平安縣俱屬安順府洪邊宋氏洪邊十二馬頭地崇
禎四年置開州今屬貴陽府安龍洪武二十三
年置安龍守禦千戶所屬普安衛今屬南龍府

命楊鎬以經畧兼巡撫遼東事尋以周永春代之

先是遼東巡撫李維翰於萬厯四十四年受任無歲
不用兵當稅使高淮腹削十餘年軍民方困維翰庸

才玩愒遠事大壞及起總兵官張承慶往援撫順張
發命維翰回籍馳助以編兼巡撫事尋以太常少卿
周永春擢右僉都御史為遼東巡撫時值喪敗之
後永春依經畧調度軍食拮据勞瘁越二年罷歸

實

李維翰
睢州人

贈故遼東總兵官李如松少保寧遠伯

如松為總兵時以土壁寇遼東率輕騎遠出招集
伏力戰死帝痛悼令具衣冠歸葬贈少保寧遠伯立
祠謚忠烈以其弟如梅代為總兵官授長子世忠錦
衣衛指揮使掌南鎮撫司仍克寧遠伯勲衛復廢一
子本衛指揮使世襲恤
典優渥皆出特恩云

六月京師地震

先是閏四月山西地震歷死五十餘人及是月京師地震七月九月復震山西州縣十有七及紫荆關偏頭神池同日震甘肅紅崖堡震震聲如雷遼東寬甸海蓋間亦震質實神池堡名嘉靖十八年建今為神池縣屬寧武府紅崖堡亦名仁功堡神宗二十七年建在今蘭州北三百三十里

籌遼餉

戶部奏遼餉會議三百萬兩今內帑已發一百萬兩南京戶兵工部五十萬兩同寺水衡八十萬兩共止二百三十萬兩此中未解者向多而數月來調兵安家諸費已及五十三萬有奇前科臣條議俊秀輸貲則東省救荒曾行之裁衙役工食之半往歲征倭亦一行之乞允行帝即從其議

復以趙煥為吏部尚書

先是丁巳京察鄭繼之與署都察院尚書李誌主其事考功郎趙士諤給事中徐紹吉御史韓浚佐之所去留悉出紹吉等意繼之誌受成而已齊人元詩教為大學士方從哲門生勢尤張一時清流與黨人異趣者斥逐殆盡即在籍亦不免大條則中以拾遺善類為空至是繼之以老去位元詩教以煥為鄉人老而易制力引代繼之煥年七十有七矣比至一聽詩教指揮由是素望益損與繼之並為時議所譏質

實

趙士諤
吳江人

秋七月

大清兵克清河堡

是月丙午我

大兵由鴉鵲關入圍清河城守城副將郭儲賢參將張

神以兵萬人固守城上巨礮矢石俱發
大軍樹雲梯以登不避鋒刃遂克之儲賢旆皆死其
一堵牆離場二城官民皆棄城遁乃毀二城盡遷其
糧穀而還清河在四山之中東距寬甸南距懷陽北
距瀋陽清河既失全遼震動先是檄調山海關保定
鐵嶺大同廣寧開原諸路兵赴援尚未出關特賜給
尚方劍得新總兵以下官錫乃新清河逃將
陳大道高炷徇於軍至冬四方援兵始集
關在清河東南關之東有喜昌口一堵牆在鳳凰城
北三百二十里城周三里有奇離場在蓋州衛西四
十里今屬蓋平縣鄒儲賢張
旆乾隆四十一年追謚烈愍

八月海運餉遼東

時議行登萊海運軍餉至遼山東巡撫李長庚言自
登州望鐵山西北口至羊頭四厯中嶺長行良抵北

信口又歷免兒島至深井達益州剝運一百二十里
抵娘娘宮陸行至廣寧一百八十里至遼陽一百六
十里每石費一金部議以為便遂行之及明年二月
特設戶部侍郎一人兼金都御史出督遼餉駐天津
即以長庚為之奏行造淮船通津路議牛車酌海道
截幫運議錢法設按臣聞事例嚴海陵九事時議歲
運米百八十萬石豆九十萬石草二千一百六十萬
束銀三百二十四萬兩長庚請留金花行改拆借稅
課言臣考會計銀每歲本色折色通計千四百六十
一萬有奇入內府者六百餘萬入太倉者自本色外
折色四百餘萬內府六百萬自金花籽粒外皆絲綿
布帛蠟茶顏料之類歲久皆朽敗若改折一半無損
于上有益于下他若陝西羊戕江浙織造亦當稍停
一年濟軍國計帑報言金花籽粒本祖宗舊制內供
正額及軍官月俸所費不貲安得借留其以天
津通州江西四川廣西一年稅銀盡充軍費

質實

鐵山在鳳凰城西南二百二十里由登州新海口至
金州鐵山旅順口五百五十里北信口復州衛西四
十里有白沙州南為南信口北為北信口兔兒島在
蓋州西南七十五里今在蓋平縣西南深井在蓋州
西南四十里今在蓋平縣西南

九月加天下田賦

戶部以遠餉缺乏援征倭征播例請如派直省正賦
惟貴州地硯有苗變不派其浙江十二省南北直隸
照會計錄所定田畝七百餘萬頃每畝推加三釐五
毫實共派額銀二百萬三千一百一十兩有奇軍務竣時即
行停止
質實 浙江派銀一十六萬三千四百三十九
兩四錢三分八釐江西湖廣派銀一十四萬
從之 四百二兩九錢四分四釐湖廣派銀三十三萬三千
四百二十兩九錢一分一釐福建派銀四萬六千九

百七十八兩七錢五分二釐山東派銀二十一萬七
錢四分五釐山西派銀一十二萬八千八百一十三
兩七錢四分五釐河南派銀二十五萬九千五百五
十二兩八錢三分一釐陝西派銀一十萬三千五百
二十三兩四分七釐四川派銀四萬七千一百八十
九兩六錢八分五釐廣東派銀八萬九千九百一兩
七錢八分七釐廣西派銀三萬二千九百兩二錢六
分一釐雲南派銀六千二百九十七兩七錢五分五
釐南直隸派銀二十五萬九千六百二十四兩四錢
四釐七毫北直隸派銀十七萬二千二百九十二兩
六錢五分八
釐七毫五絲

茂陵災

憲宗陵也是年間四月丁丑夜殿家莊堡平項
山堡臺杆八同時大甲申暖閣殿膳房俱火

質實

殷家莊堡在開原平頂山在奉海城縣西南十里暖閣廠膳房在御馬監之南西向

冬十月星隕化為石

吳月辛酉昏有星如斗隕于南京安德門外聲如霹
應化為石重三十一斤景善鄉亦墜星石二重一百
三十
勅 質實 安德門應天府外城周一百八十里西南
六門曰夾江雙橋鳳臺馴象大安德小安
德景善鄉在
江寧縣南

彗星見于氏

星長丈餘指東南漸移西北掃犯太陽守星入亢度
埽北斗璣璣文星五車遙紫微垣右凡三十四日乃
滅又先是長白星見東南濶尺餘長二丈餘
東至軫西至翼十九日而滅與彗星為二

飭修省

大學士方從哲言皇上遇災而懼欲與臣工共國修省以冀挽回古帝王克謹天戒亦不過是但青衣角帶傳刑禁屠皆文也必如臣所請郊廟臨御補闕部臺臣舉廢宥愆罷僭傳織批發如流方為修省實政臣近覲皇上留心治事加意用人其機已動但能擴而克之由一事以至事事由一人以至人人太平之治可致何但災變足弭哉

己未 四十七年春正月彗星見

見東南長數百丈光芒下射末曲而銳或曰蚩尤旗時方議進師識者以為兵敗之徵

二月楊鎬誓師于遼陽分道出塞

帝以四方援遠兵大集恐師老財匱下廷議方從哲
與兵部尚書黃嘉善兵科給事中趙興邦等發紅旗
日趣鑄進兵鑄乃分兵四道令總兵官馬林出開原
攻北督兵四萬僉事潘宗顏監其軍而葉赫兵分路
並進別監以都司竇永澄令總兵官杜松出撫順攻
西以總兵王宣趙夢麟為佐督兵六萬兵備副使張
銓監其軍令總兵官李如柏出鴉鶻關趨清河攻南
督兵六萬兵備叅議閻鳴泰監其軍令總兵官劉綎
出寬甸攻東督兵四萬以兵備副使康應乾監其軍
而朝鮮兵分路並進別監以都司喬一琦鑄率各總
兵官警神明宣軍令斬撫順陣逃之指揮白雲龍示
衆為制于是月二十一日後分道出塞期三月一日
會二道
質實
二道關在今
興京城西黃嘉善即墨
人馬林蔚州人芳之子潘宗顏字士潛
閩並進
保安衛人王宣榆林人趙夢麟榆林人張
銓字宇衡沁水人喬一琦字伯珪上海人

三月楊鎬師敗績總兵杜松劉綎王宣趙夢麟皆戰死

時天大雨雪鎬兵不前師期淺松欲立首功先渡渾
渾河連克二小砦遂乘勢趨薩爾湖谷口時我

太祖高皇帝在興京西南兩路領卒以明兵逼境告
太祖高皇帝曰明使我先見南路有兵者誘我兵而南也其由

撫順西來者必大兵急宜拒戰乃率衆貝勒大臣繞
城中兵出大貝勒前行領卒又以明兵出清河路來
告大貝勒曰清河路反兵未能驟至宜先往撫順以
逆敵兵遂與達爾漢侍衛呼爾漢集以待時我

太宗文皇帝稱

四貝勒以祀事後至謂大貝勒曰我築城夫役在界藩山倘明

兵奮力攻之奈何宜急進于是令軍士擐甲趨至太
蘭岡大貝勒與扈爾漢欲駐兵僻地

太宗文皇帝曰正宜耀兵示敵壯我士卒夫役之膽何以僻為

遂督兵赴界藩先是精騎四百獲築城夫之在界

太祖

滿山者開松等將至伏薩爾湖谷口以待及松兵過
半尾擊之至渡口與築城夫役合據界藩之吉林崖
時松結營于薩爾湖山而自引兵圍吉林崖我兵下
擊一戰而斬百人及衆貝勒兵至益千人登山助擊
而以右翼四旗自下夾攻別以左翼四旗攻松別將
于薩爾湖山上

大皇帝至今以右二旗益左翼合六旗兵進攻薩爾湖軍
大戰破之死者相藉所遣助吉林崖者自山馳下

擊松軍二旗兵亦縱橫夾擊松與宣夢麟皆死全軍
盡覆積屍蔽渾河而下如流斯馬時馬林率開原兵
出三岔口聞松軍敗恐甚止尚間崖結營自固濬壕
三匝外列火屍以騎兵環衛其監軍潘宗顏別以萬
人營斐芬山距尚間崖三里許而松之後隊遊擊襲
念遂李希泌疏步騎萬人駕大車持堅楯別營于翰
彈鄂護地

大清兵先以五百人步乘之研其車轆繼引騎士衝擊

欽定四庫全書

御定資治通鑑綱目三編

十

太祖

高皇帝知林軍營尚閑崖迅往會大貝勒明兵方布陣

我軍將據山巔而林營內兵已與壕外兵合我兵即下馬步戰大貝勒以怒馬斫陣二貝勒三貝勒與諸臺吉各奮勇競進遂敗明兵斬獲無算明副將麻炭及大小將士皆陣歿林僅以身免

太祖

高皇帝復集大軍馳攻斐芬山宗顏與遊擊寶永澄守

備江萬春通判董爾勵及所部健丁衝突鏖戰自晨午力竭不支全軍盡陷葉赫貝勒錦臺什布揚古約助明與宗顏合至開原中國城聞明兵敗大驚遁去時劉綎李如柏兩軍先後近逼興京于是留兵四千侍如柏軍

太宗

文皇帝偕大貝勒三貝勒進禦劉綎甫出瓦爾喀什窩

集而綎率精銳二萬至過深河克三砦時

大清兵守棟鄂地聞綎軍至逆戰綎猶不知松林軍覆整衆進將登阿布達哩岡

太宗

大清兵麾衆先登而別以一軍趣綏西岡上軍自高馳下奮擊綏軍趨綏西者復從旁夾擊已乃張松旗幟被其衣甲以給綏既入營中大亂

太宗

文皇帝乘勝追擊與綏遇綏力戰死綏養子劉招孫突圍手格殺數人亦死兩營兵萬餘皆殲綏監軍康應乾與喬一琦所統朝鮮兵營于富察察之野甲仗堅銳

風大作揚沙石烟塵返撲敵營

大清兵乘之發矢如雨又大破其衆殲二萬人應乾遁

去一琦奔朝鮮我兵逐之朝鮮元帥姜功烈詣營降

一琦自縊死楊鐫聞三路兵敗急撤李如栢軍還如

栢等乃自呼蘭路遁歸我哨兵二十人見而鳴螺呼

噪擊殺四十人明兵奪路走相蹂踐死者復千餘吳

從也明文武將吏前後死三百一十餘亡失馬駝甲

仗無算賊書質實渾河即古小遠水自遼外流入經

開京師大震今興京東北境西流至奉天府

承德縣南入太子河太蘭岡在今
十里界藩山即鐵背山在今
興京西北上有界藩

城薩爾湖山在今
興京西北二十里吉林崖在今
奉天府海澄縣西明置三岔關今廢尚間崖在今

威京城東一百五十五里斐谷山在今
威京城東一百三十里
威京城東一百六十里幹輝鄂讓在今
威京城東三百三十里

瓦爾喀什窩集在今
威京城東三百八十里深河
寬甸東北由鎮江路二百五十餘里為深河子皆小

徑深林棟鄂在今
威京城東南三百八十里阿布
達哩岡在今
威京城東四百三十里呼蘭路在今

威京城東二百五十里劉純歷平九線瑩額甸羅
雄朝鮮倭播建昌諸寇大小數百戰威名甚著所用

鎗鐵刀百二十觔天下稱為劉大刀乾隆四十一年
追諡忠壯松左都督杜桐弟奮勇敢戰恩著遠功與

龔念遂李希必喬一琦均于乾隆四十一年追諡忠
烈趙夢麟王宣乾隆四十一年追諡烈愍潘宗顏熱

天文兵法為諸生即究心時事有籌邊賦及輅畧十二對癸丑進士後戶部主事條具遠事并儀時論建之遂往督遼餉會間原道缺補用立法嚴密四境肅然陰知馬林不可共事未出師前遺書楊鎬言林庸懦不可當一面乞易別帥而以林選為後應庶有濟否不惟悞國恐身亦難保至是果如其料戰歿之日骨廉肢裂其狀尤慘帝為賜祭葬立祠謚節愍贈光祿寺卿廕子兆環錦衣衛世襲百戶乾隆四十一年復典寶永澄董爾勵張萬春同追諡節愍薩爾濟舊作撒爾湖今改

發明

明當師老財匱之時忽徵四方援兵號稱四十七萬之衆以興大舉宗社臣庶子孫安危

之機在此一役而乃委之敗績詭功之楊鎬可謂倚任非人矣迹其誓師發令分為四路以出意在鋪張行陣而曾弗預籌戰守之方以致師期先洩紀律不明宿將殲于行間全軍覆于原野固人謀

之不臧

而實

天心之厭夫明祚也恭惟

太祖高皇帝神武布昭

睿樞默運仰承

昊緯祇迓

鴻庥盖

上蒼之眷顧我

大清者至此時而積慶彌篤况夫

聖嗣賢臣同心一德天人協應佑啟無疆故于斯役也步代

止齊決策制勝之宜莫不妙合輶鈴適符機要五

日之間克成亘古以來未有之偉績至今讀史者

輯勝圖之道編益欽

祖烈神功垂謨永永而我

皇朝億萬載之丕基

王業實肇造於此云

夏四月飭楚蜀黔三省協防苗患

兵部尚書黃嘉善言楚蜀黔三省俱鄰苗穴然楚蜀
轄苗雖多各有土司為之領袖不能侵入其勢猶緩
若黔則界于二省苗夷之中轄苗雖少逼近巢穴以
故掠堡焚屯罹禍為甚及其三省大事又互相推諉
竟未有擒緝以靖匪茹者是黔以一省而獨受三省
紅苗之害也今黔撫張鶴鳴議三省各照所轄苗寨
要隘委官撥兵嚴加防守分轄屬以專責成究出劫
以懲橫暴至不得已而用兵三省亦各照苗寨多寡
派出兵餉則合各省之力自成一鼓之功應今湖北
道行永保二宣慰司四川川東道行酉平邑石四土
司貴州即令銅仁鎮可撫則同撫可守則同守可征
勦則同征勦防守視失事之有無功罪視地方之安
否三省毋得以
視推委從之

質實

永順宣慰司洪武二年置今為
永順府平茶洞長官司洪武八

年置屬西陽宣慰司十七年直隸布政司色梅洞長
官司屬西陽宣慰司石砭宣慰司洪武八年為宣撫
司天啟元年
陞宣慰司

京師水復赤

宣武門警關至
東御河水俱赤

福建盜起巡撫王士昌討平之

漳州府奸民李新僭號洪武結海寇袁八老等率其
黨千餘人流劫焚燬勢甚猖獗巡撫王士昌檄副將
紀元憲沈有容等
率官兵討平之

五月盜甲厥災

是月奏百日事也時邊事日急馬匹盈甲花械不敷
兵士恤家行種諸需均缺兵部尚書黃嘉善議各直
省絕軍變產銀缺官柴馬銀拖欠太常寺馬價銀皆
宜全解臣部又各直省稅契銀布政司吏承納班銀
各州縣倉穀平糶一半折價銀各運司積餘鹽課銀
又如中州之河工節省銀兌軍買米樽節銀王府宗
藩勲臣土司議助銀內外各官捐俸銀皆半兵部為
恤家買馬之用現在暫借太僕寺銀十萬兩南京兵
部銀十萬兩兩南京戶部銀十萬兩兩南京工部銀十萬
兩早購馬匹以濟急需其應造盈甲花械聽工部議
動項速造務祈兵到**質實**盈甲廠在明照坊砲
即給以便訓練從之**質實**作河東後為靈官廟

六月我

大清兵克開原

時我

太祖高皇帝親率兵四萬取開原軍行三日天雨河漲乃遣兵

百人陽使趨攻瀋陽潛傾開原路無而不淨遂進軍
旦薄開原城明總兵馬林副將于化龍權道事推官

鄭之範叅將高貞遊擊于守志守備何懋官
等嬰城守城上列兵以許餘皆陳四門外

大清兵設梯進攻而以偏師掩擊東門外所陳兵敗
之明兵爭入城圍擁于門

大清兵奪門搏戰而攻城之兵雲梯未布即登躍上城
城上兵皆潰城外三門兵見城破大驚奔竄四圍悉
遇堵禦不得渡盡殲之鄭之範先遁
得脫林化龍貞守志懋官皆戰歿時

太祖高皇帝登開原城樓傾者以鐵嶺衛有兵三千來援馳告

諸貝勒率兵迎戰明兵望塵奔却追斬四十餘人而

還駐軍開
質實
馬林先諱克為事官令仍守開原乾
隆四十一年追謚忠烈子然熠俱隨
原三日

父殉節于化龍高貞于守志何懋
官乾隆四十一年俱追諡烈愍

以熊廷弼為兵部侍郎兼右僉都御史經畧遼東

廷弼前按遼趙揖李成梁議棄六堡宋一韓論之下
廷弼覆勘具得棄地驅民狀勃兩人罪及先任按臣
何爾健康丕揚黨庇疏竟不下時有詔興屯廷弼言
遼多曠土歲于額軍八萬中以三分屯種可得粟三
十萬石帝優詔褒美命推行于諸邊邊將好輕師啟
釁廷弼言防邊以守為上繕垣建堡有十五利奏行
之在遼數年杜饋遺募軍實按劾將吏不事姑息風
紀大振及楊鶴既喪師起廷弼為大理寺丞兼河南
道監察御史赴遼宣慰軍民廷弼方家居聞命晝夜
馳二百餘里赴闕候勅書闕防不即給上疏言遼東
軍民及調來薊保宣大甘延川浙援遼官軍皆皇上
守遼禦敵良民赤子也無辜而驅死于一年之內者

十餘萬人或全城死或全營死或全寨死或全家死
軍散之日遠瀋餘民放聲大哭魂魄雖收頭顱猶寄
人有百死而無一生日有千愁而無一樂家家抱怨
在在思逃皇上忍不為惻惻心動乎皇上此時即不
下罪已之詔悔制禦之失策痛自刻責以上回天心
下挽人意而亟付尺幅之紙畀臣宣諭弔死問傷拊
循慰恤以見皇上之念遠救遠而不肯忘遠棄遠也
則念遠之父老子弟與援遠之官兵人等誰不感激
泣下拭淚而相告曰吾君哀吾儕之死有如此吾君
憐吾儕之死有如此吾君之念遠不忘遠救遠而不
棄遠也有如此又誰不忠義感慨捐糜圖報願出身
以投伍出資以佐軍出死力以制敵而顧乃悠悠忽
忽漠不關意一至于此臣恐遠人之灰心解體潰不
可收于一旦也皇上亦可愷此半通之綸方寸之符
不早屬臣以慰此一方之人耶是行也君恩為重臣
命為輕灑一腔之血于朝廷付七尺之軀于遠塞惟

願早給出關到期報命俾遠人感激咸知德意時廷
議以廷弼嘗按遼熱遼事命代鎬為經畧未出京我
大清兵已克開原馬林敗殲廷弼上言遼左京師肩背
河東遼鎮腹心開原又河東根本開原今已破則北
關難保朝鮮亦不足恃遼瀋何可守也乞速遣將備
易糧修罷城毋寗臣用毋緩臣期毋中格以阻臣氣
毋旁撓以掣臣肘毋獨遣臣以艱危以致誤臣誤遼
兼誤國也疏上報允賜上方劍以重其權廷弼乃行
質寶

北關在奉天府築赫城西北趙楫山陰人
大興藉宋一韓陳州衛人何爾健曹州人

秋七月我

大清兵克鐵嶺

是月丙午

大清兵攻圍鐵嶺城城外各堡兵俱退入城不得入者

欽定四庫全書

御定資治通鑑綱目三編

十六

悉潰散因進攻城之北隅明遊擊俞成名史鳳鳴李克泰督兵拒守鎗礮矢石交下乃登雲梯毀陴堞推鋒突入城上兵驚潰成名鳳鳴克泰陣歿餘衆盡殲時總兵李如楨守鐵嶺鐵嶺故李氏宗族墳墓所在會其兄如栢還京其族黨部曲高貲者悉隨之西城中為空如楨以孤城難守還屯瀋陽及鐵嶺被圍如楨擁兵不質實

喻成名史鳳鳴李如栢成梁第三子

由父廕為指揮使屢加至右都督並任錦衣掌南此鎮撫司列環衛者四十年及兄如栢以呼蘭關敗革總兵任遠人謂李氏世鎮遼東非再用李氏不可巡撫周永春以為言兵部尚書黃嘉善以如楨名上遂接鎮遼東如楨藉父兄勢又以錦衣近官不居人下未出關即遣使與總督汪可受講約禮朝議譁然既抵遼守鐵嶺城火後言官交章論劾經畧熊廷弼亦論如楨十不堪乃罷任天啟初言者復力攻下獄論

死崇禎四年
特免死克軍

經畧熊廷弼安輯遼陽

廷弼甫出關鐵嶺復失瀋陽及諸臣堡軍民一時盡
竄遼陽沟沟廷弼兼程進遇逃者諭令歸斬逃將劉
遇節等三人以祭死節之士誅貪將陳倫劾罷總兵
李如楨督軍士追戰車治火器濬濠繕城為守禦計
法嚴令行數月守備大固又請集兵十八萬分布鐵
陽清河撫順柴河鎮江諸要口使首尾相應小警自
為堵禦大敵互為應援更選精悍者為游徼乘間掠
零騎援耕牧徐議相機用兵帝從之廷弼初抵遼即
躬自巡歷自虎皮驛抵瀋陽復乘雪夜赴撫順時兵
燹後數百里無人跡廷弼祭諸死事者耀兵奉集相
度形勢而還所至招流移繕守
具分置士馬由是人心始安

質實

奉天府鐵嶺縣

東北以近柴河名鎮江堡名在今奉天府鳳凰城東南為朝鮮分界處虎皮驛一作十里河站在今奉天府承德縣南與遼陽州接界奉集遼縣後廢今為堡在今奉天府承德縣東南

廷臣伏文華門請發章奏

大學士方從哲率大小臣工于文華門合詞叩乞下營總協勦遼總兵及閱視科臣增兵發餉等章奏大奮乾斷立賜執行不報

八月

大清兵滅葉赫

時葉赫貝勒錦臺吉居北關東城布揚古居西城我大清以薩爾浒之役葉赫助明故定計攻討遣一軍圍

布揚古而以大兵圍錦臺吉士卒冒牛皮蔽矢石奮
擊破其城錦臺吉就執布揚古無援亦窮蹙出降於
是葉赫屬城俱下

楊鎬有罪逮下獄

初四路總兵之敗御史楊鶴劾鎬失機帝不問無何
開原鐵嶺相繼失言官文章劾鎬乃逮下詔獄論死
至崇禎二年伏法

九月廷臣再伏文華門請帝視朝發章奏

時邊警日至方從哲請帝出御文華殿召見羣臣面
商戰守方畧吏部尚書趙煥率廷臣詣文華門固請
帝臨朝議政抵暮逮中官諭之退而諸軍機要務廢
闕如故煥等復上疏趣之且作危語曰他日薊門蹂

瞞鐵騎臨郊陛下能高枕深
宮稱疾却之乎帝深嘆焉

遣給事中姚宗文閱遼兵

初宗文丁憂歸還朝欲補官而吏部題請諸疏率數
年不下宗文患之假招徠西部名屬當事薦已疏屢
上不得命宗文計窮致書熊廷弼令其代請廷弼不
從宗文怨之後黃緣復吏科及是命閱視遼東士馬

徵土司援遼

經畧熊廷弼以川兵精整可用請令湖廣宣慰司兵
八千四川永寧宣撫司兵五千酉陽宣撫司兵四千
石砫宣撫司兵三千令各帥親率而以夙將為大帥
統之向來土司止于附近省分調遣故官無加銜之
例兵無安家之例今自西南極于東北道遠疲苦體
恤常周土司正官應加銜以示優異並給安家銀兩

以示鼓
舞從之

發明

廷弼經畧剿遼時遼事已敗壞不可復振其
初意在姑為存撫以養兵息民尚為能識時
務乃為援遼起見忽徵蜀黔楚三省土司則殊少
算矣考是年四月黃嘉善以黔省界連楚蜀苗穴
蠢今防協是土司自顧且不暇焉能望以萬里征
調之餘出死力以效疆場而供防戍厥後奢崇明
釀亂衆噪于中途全蜀幾為震動患滋數載比實
有以啟之雖石砭一軍馳驅久効而欲以西南弱
旅支大厦于將傾亦可
謂愚而不知量者哉

冬十二月再加天下田賦

姚宗文請于舊加之外以明年一年為限再于直省
田地按畝加派于是復加三釐五毫增二百萬有奇

鎮江寬甸驍陽清河新募援兵潰

遼陽人劉國縉先為御史坐大計謫官遼事起廷議用遼人遂以兵部主事贊重軍務國縉主募遼人為兵所募一萬七千四百餘人分置鎮江寬甸驍陽清河等處及是清河兵全伍散去鎮江寬甸驍陽亦逃亡過半廷弼聞于朝帝切責國縉令廷弼設法查拿處置由是國縉益怨廷弼

質實

劉國縉泰和人

庚申四十八年春正月朝鮮乞援

先是朝鮮以兵助楊錫戰為我

大清兵所敗兵將或降或陣歿國王李璉告急詔加優

恤朝鮮貢道添兵防守詔鎮江等處設兵將令經畧熊廷弼調委及是時我

大清兵既破葉赫降蒙古宰桑等進攻朝鮮璉上疏乞救畧言聞已設兵毛牛寨萬遼嶺欲畧寬甸鎮江等

處寬旬鎮江與小邦之昌城義州諸堡隔水相望孤
危非常若從穀陽境上鴟鵂關取路遠出颶風城寬
鎮昌城俱莫自保內而遠左八站外而東江一城聲
援阻砲望速調兵共相犄角以固邊防時遠鎮塘報
傳稱朝鮮已歸款

大清朝議遂謂琿陽衛陰順宜遣官宣諭或令將監護

其說紛紜琿琿疏辦二百年忠誠事大死生一節詞極
劉摯禮兵二部乞降勅曉諭以安其心帝是其議然

勅令陪臣齋質實朝鮮貢道初由定遠毋涉海從天
往不違官也質實啟元年改自海至登州直達京師

成化十七年朝鮮使臣歸國道經鳳凰山下遇掠奏
乞於舊路朝別開一路以便往來因築鳳凰城周三

百八
十步

二月日暈

是月癸丑午時日生交暈如連環下生背氣一道黃
白色左右生戰氣青赤色白虹彌天良久始散大學
士方從哲言曰生交暈背氣戰氣並見占者謂戈戟
相傷之象人心皇皇皆以邊事為憂皇上宜如何恐
懼修省乃屢蒙傳示聖躬不安見在調攝若惟恐臣
下有所祈請者不思臣下之奏請即可少緩朝廷之
機務宜容久停邊方之警報宜容暫止惟望即日召
見羣臣講求邊畧簡發吏部推官各本大僚巡撫科
道各官及都察院題差盡賜允
用庶人心可慰天變可回不報

地震

是月庚戌雲南及肇慶惠州
州襄陽承天沔陽京山皆震

質寶

京山隋縣明屬
承天府今屬安

府陸

三月復加天下田賦

時經畧熊廷弼言四十七年十二月赴戶部領餉二十萬兩十二月領餉十萬兩四十八年正月領餉十五萬兩俱無發給現貯庫銀僅二萬餘兩止足正月未領糧料支用各倉糧草止數千石尚不敷補支去年十二月未領之數豈軍到今日尚不餉馬到今日尚不瘦不死而邊事到今日尚不急耶軍兵無糧如何不賣襖褲什物如何不奪民間糧塲如何不奪馬料養自己性命馬匹如何不瘦不死而戶部猶漠然不一動念得無銷兵太速釀禍太劇耶疏入下戶部等衙門議令各直省田地每畝再加派二釐以敷兵工二部之用從之通前二次加派共增九釐賦五百二十萬遂為歲額所不加者畿內八府及貴州而已

禁白蓮無為諸邪教

前年禮部左侍郎何宗彥去位署印無人大學士方從哲屢以右侍郎孫如游請及是始得命部事業積如游遠決無滯時白蓮無為諸教或行宗彥嘗疏請嚴禁如游復申其說帝從之

夏四月皇后王氏崩

后性端善事孝定太后光宗在東宮危疑者數矣調護備至鄭貴妃頗寵后不較也正位中宮者四十二年以慈孝稱及是崩諡孝端大學士方從哲請恩善門哭臨畢召見弘德殿跪語良久從哲請補閣臣用大僚下臺誅命帝許之
質實 弘德殿即乾從哲叩頭出復如故
清之西媛間

石砮女土官秦良玉請益兵援遼

良玉饒膽智善騎射兼通詞翰儀度嫺雅而取下嚴峻每行軍發令代伍肅然所部號白桿兵為遠近所

憚嘗從征播州有功違事急假良王兵良王因遣兄
邦屏弟民屏以數千人先行朝命賜良王三品服授
邦屏都司民屏守備良王奏言所將之兵止三千餘
恐軍聲不振欲調在川土兵三千五百餘名成一臂
之力再乞假給戰車火器半馬
半步奇正相兼庶臣志可展報可
質實
秦良王忠州人
嫁宣撫司馬千
乘千乘死
代領其衆

秋七月李如楨有罪免

河南總兵李如楨自鐵嶺失事後仍許戴罪立功熊
廷弼劾其將懈士離請罷如楨以李懷信代且云開
原道僉事韓原善初至遼陽即欲請兵三萬往復開
原臣壯其志而無兵可遣請令駐劄瀋陽屬以專任
一面督同諸將共圍瀋陽戰守事宜一面招撫
逃亡收拾軍馬器械等項為恢復之備從之

帝崩

卷三十一

先是帝寢疾不食者半月皇太子未得見給事中楊連信諸給事中御史走謁方從哲御史左光斗趣從哲問安從哲曰帝諱疾即問左右不敢傳連曰昔文潞公問宋仁宗疾內侍不肯言潞公曰天子起居汝曹不令宰相知將毋有他志連下中書行法公誠曰三問不必見亦不必上知第令宮中知廷臣在事自濟公更當宿問中從哲曰無故事連曰潞公不訶史志聰乎此何時尚問故事耶越二日從哲始率羣臣入問及帝疾巫太子尚躊躇宮門外連與光斗遣人語東宮伴讀王安曰帝疾甚不召太子非帝意當力請入侍嘗藥視膳薄暮始還太子深納之至是大漸召英國公張惟賢大學士方從哲尚書周嘉謨李汝華張問達黃克纘黃嘉善侍郎孫如浩等于弘德殿免諸臣勤職輔理嗣君越二日崩年五十有八

質

實

楊連字文瑞應山人左光斗字道直桐城人張惟賢補七世孫周嘉猷字明卿漢川人李汝華字茂

夫睢州人王安雄縣人初隸馮保名下
神宗二十二年陳矩薦為皇太子伴讀

以遺詔發帑金百萬充邊賞罷礦稅權稅及監稅中官
越三日再發帑金百萬犒邊

遼左缺餉羣臣請發內帑帝頗以不足為辭自四十
四年發三十萬後四十七年三月復令搜括太后宮
累年積蓄備賞銀三十六萬兩給邊礦稅權稅屢經
廷臣請罷不允惟四十二年二月減各省稅課三分
之一及是太子奉遺詔均及之朝野感動

庚申光宗貞皇帝泰昌元年

是年八月以前為神宗四十年八月以後為光宗泰昌

元年從當時廷議據實分敘以存光
宗之統與前創一年兩系者不同

秋八月丙午太子常洛即位

大赦蠲直省大灾租賦禮部侍郎孫如游請
建東宮帝納之尋以皇太子體弱諭緩冊期

太白犯太微垣

是月丙午朔帝即位日也二日丁未白氣夜見如匹
練穿斗女虛危厯軫至翼良久乃散五日庚戌東方
有流星大如盞青白色起騰蛇東入奎宿二小星隨
之六日辛亥熒惑犯太微古將八日癸丑填星犯井

起南京吏部郎中鄒元標為大理寺卿

初元標以吏部員外郎調南京三年移疾歸久之起
本部不赴旋遭母憂里居講學代遊日衆名高天下

沈淮因與方從哲同里俸職黃扉甫入相即潛結中涓濫除官職愴人伎倆單露時常避左用兵敗報踵至豈區區召募二百

中外所薦遺佚凡數十百上其不以元標為首卒不用家食垂三十年光宗立召拜大理卿未至進刑部侍郎吏部尚書周嘉謨奏列建言得罪諸臣王德完等三十三人於是王德完孟養浩鍾羽正滿朝薦等悉起部寺諸官

以史繼偕沈淮為禮部尚書兼東閣大學士預機務

神宗末方從哲獨當國諸補間臣疏十上始命廷推淮與從哲同里相善給事中元詩教等緣從哲意以淮及繼偕名上疏未發至是始召用之時二人俱在籍淮于明年六月至繼偕明年十月始至淮官翰林時當授內侍書劉朝魏進忠皆其弟子既入閣密結二人奏言遠左用兵臣嘗募東陽義烏諸邑及揚州淮安材官勇士二百餘請以勇士隸錦衣衛而量授材官職進忠朝方舉內探得淮奏大喜詔錦衣官訓

人所能濟事蓋由其平日與劉朝魏忠賢結納已深揣知內操方正是以屏居鄉里時已號召烏合多人假稱募練不惟仰承風旨且以自炫經猷既而謀畧無聞詭隨日甚視軍國大事如兒戲准之罪復何足誅乎

募兵授材官王應于等遊擊以下官有差准又奏募兵後至者復二百餘人請發連東四川軍前亦從之
質實
義烏漢烏傷縣唐改名明屬金華府今因之沈准字銘鎮烏程人魏進忠河間肅寧人即忠賢

遼東旱

巡撫周永春言遼地瘠遇旱援兵駐處輒買雜糧請旌勸本鎮輸助官民凡輸糧二百以上至十石輸銀一百兩至五百兩及牛馬車輛草束之價稱是者分別進級錄敘若輸糧五千石銀一千五百兩以上者官為建坊表異從之

起用前御史劉光復為光祿寺丞

先是于神宗朝永不
敘用茲以特旨起之

臺州兵噪

浙江兵以征調旁午餉糈不繼五年之中薛者再至
是以水陸營把總哨官單道亨楊思勳等貪漁醵誘
備倭把總陳泰陷聽瓊淫刑各兵羣
噪而起入泰階署毀公座良久乃散

帝有疾

初鄭貴妃侍神宗疾留居乾清宮及帝嗣位猶未移
懼帝以福王事銜已進珠玉及美姬八人帝知選
侍李氏最得帝寵因請立為皇后選侍亦為貴妃求
封皇太后乙卯帝不豫召醫官陳璽等診視丁巳帝
力疾御門以神宗遺命趣舉封后禮方從哲即以命
禮部禮部侍郎孫如游疏言以配而后者乃敵體之

經以妃而后者則從子之義故累朝非無抱衾之愛
終引割席之嫌者以例所不載也皇貴妃事先帝有
年不聞倡議于生前而顧遺詔于逝後豈先帝彌留
之際遂不及致詳耶且王貴妃誕育殿下豈非先帝
所留意者乃思典尚爾有待而欲令不屬毛離裏者
得毋其子恐九原亦不無怨恫也鄭貴妃賢而習于
禮處以非分必非其心之所樂書之史冊傳之後視
將為戚代典禮之累且昭先帝之失言非所以為孝
也中庸稱遠孝為善繼善述義可行則以遵命為孝
義不可行則以遵禮為孝臣不敢奉命議乃寢已未
內侍崔文昇進洩藥一晝夜三四十起都下紛言為
貴妃所使帝由是委頓羣情疑駭外家王郭二戚吮
遍謂朝士泣愬宮禁危急狀言鄭孝文固甚包藏禍
心于是給事中楊連御史左光斗昌言于朝與吏部
尚書周嘉謨以大義責貴妃兄子鄭養性趙貴妃移
宮貴妃恐即移居慈寧養性亦請封還皇貴妃封后

成命從之遽劾文昇用藥無狀畧曰賊臣崔文昇
不知醫不宜以宗社神人託重之身妄為嘗試如其
知醫則醫家有餘者池不足者補皇上哀毀之餘一
日萬幾于法正宜清補文昇反投伐劑然則流言藉
藉所謂興居之無節侍御之蠱惑必文昇藉口以蓋
其誤藥之奸冀掩外度攻摘也如文昇者既益聖躬
之疾又損聖明之名文昇之內其足食乎臣聞文昇
調護府第有言不聞用藥謬誤皇上上一用文昇倒置
若此有心則蠶粉不足償無心則一誤豈容再誤皇
上奈何置賊臣于肘腋間哉刑部主事孫朝肅徐儀
世御史鄭宗周上書方從哲責以用藥乖方請調護
聖躬速建儲貳從哲候安因言用藥宜慎帝褒答之
質實 選侍李氏時宮中有二李選侍人稱東西李此
為西李其東李嘗撫視信王後為容魏所間害
憤鬱而卒王郭二戚晚謂帝生母王氏皇后郭氏家
也崔文昇鄭貴妃宮中內侍光宗立陞司禮監東筆

掌御藥房孫朝常熟人徐儀世宜興人鄭宗周文水人

以何宗彥劉一燦韓爌朱國祚並為禮部尚書兼東閣

大學士預機務召葉向高復入閣

時內閣止方從哲一人史繼偕沈淮尚未至帝遂復有宗彥等命而宗彥國祚向高亦俱在籍惟一燦爌入直明年六月宗彥國祚

質實

何宗彥字君美蘭川人朱國祚字兆隆秀

水人

召對英國公張維賢大學士方從哲等于乾清宮命皇

長子出見

紅丸移宮與梃
擊並稱三案其
是非本無難論
定而當時異說
紛囂入主出奴
牢不可破遂爾

帝疾甚召英國公張維賢大學士方從哲劉一燝韓爌
吏部尚書周嘉謨戶部尚書李汝華禮部侍郎孫如
游刑部尚書黃克纘左都御史張問達給事中范濟
世楊漣御史顧慥等至乾清宮東煖閣先是命錦衣
衛宣楊漣廷臣嚴漣且得罪及是帝御東煖閣見羣
臣倚榻憑几注視漣久之時皇長子侍立帝命諸臣
前連諭之曰朕見卿等甚慰從哲等請慎醫藥帝曰
不服藥十餘日矣因諭冊封李選侍為皇貴妃選侍
挽皇長子入復推之出告帝曰欲質實顧慥小
封后帝不應羣臣愕然旋叩首退

再召對張維賢方從哲等于乾清宮李可灼進紅丸九

月朔帝崩

甲戌再召諸臣于乾清宮仍諭冊立皇貴妃從哲等
以冊儲原旨期宜改近早竣吉典以慰聖懷帝因顧

自當疑團提擊
事前已具論之
若紅丸之案謂
李可灼必有逆
謀自非萬論但
可灼本不習醫
其藥何由進御
方從哲雖婉詞
疑詰而藥未試
嘗竟不口為沮
止藥甫進而違
道不諱二人復
何忍偷息人間
乃從哲手撰寓
遺詔時尚欲如
可灼以傳肯無

皇太子諭曰卿等輔佐為堯舜又語及壽宮輔臣以
皇考山陵對帝曰是朕壽宮諸臣言聖壽無疆何遽
及此帝問有鴻臚寺官進藥者安在從哲奏鴻臚寺
丞李可灼自云仙方臣等未敢輕信帝即命中使宣
可灼至珍視具言病源及治法帝喜命進藥諸臣出
乃令可灼與御醫及諸臣商榷未決輔臣一噪言其
鄉兩人同服一益一損非萬全藥禮臣如導言此大
闕繫未可輕投時夜有旨趣進諸臣復入可灼調藥
進帝飲湯輒喘藥進乃受所謂紅丸者也帝稱忠臣
者再諸臣出宮門外嘆少頃中旨傳聖體安善日晡
可灼復進一丸出明日昧爽帝崩先是可灼來問門
言有仙丹欲具本進時輔臣方掘請慎藥已諭之去
而可灼夙從諸御醫往來思善門與中使熟因已聞
于帝從哲等弗能禁時選侍據乾清宮與心腹閹魏
進忠謀挾皇太子自重羣臣入臨為羣閹所格連厲
聲責之得入臨如禮一噪詰皇長子所在羣閹不應

怪盈廷之嘖有
煩言律以許止
趙盾惡名誠無
可辭而遽請顯
正刑誅則太過
矣至李選侍以
先朝嫡御乾清
固非所宜居友
既徒噉鸞犀疑
即當盡息又何
至捕風捉影附
會宮禁傳聞至
創為雄經入井
之說信乎訟
經年不休尤為
悖妄總由諸人

一爆大言誰敢匿新天子者東宮伴讀王安入白選
侍給曰第出即返遂扶皇長子趨出及門中官數輩
追及攬衣請還漣可退之一爆與惟賢遂掖皇長子
升輦至文華殿羣臣叩頭呼萬歲還居慈慶宮擇日
登極時眾議未定有改請初三日有請於即日午時
者漣曰今海宇清晏內無嫡庶之嫌父死之謂何含
歟未畢冠冕臨朝非禮也或言登極則人心安漣曰
安與不安不在登極早暮處之得宜即朝委裘何害
議定出過文華殿太僕寺少卿徐養量御火左光斗
至責誣誤大事唾其面曰事脫不濟汝肉足食乎漣
為悚然因語錦衣衛嚴綏騎內外防護時中外藉藉
以李可灼灼誤下刼劑為疑而方從哲擬旨賞可灼銀
五十兩衛史王安舜首爭之疏曰醫不三世不服其
藥先帝之脈雄壯浮大此三焦火動宜清不宜助明
矣紅鉛乃婦人經水陰中之陽純火之精也投于虛
火燥熱之症不速之逝乎以中外危疑之日而敢以

初無忠君愛國之心而分門別類私意蔽銅遂至幸災樂禍託為忠愛以逞臆見而肆譏辭其心實不可問迨議論未定而宗社已墟口舌之病殆亡徵之先見耳

無方無製之藥。寓言金丹。輕亦當治。以庸醫殺人之條。而蒙殿下頒以賞格。是不過借此一舉。塞外廷議論也。疏入。乃改票。罰休一年。而議者盡起矣。御史鄭宗周言。往歲張差之變。採樵禁門。幾釀不測。祇以皇祖優容。未盡厥罪。故文昇尤而效之。請寸斬文昇。以謝九廟。從哲擬旨。下文昇司禮監。于是御史郭如楚。馮三元。焦源溥。給事中魏應嘉。太常卿曹珣。光祿少卿高攀龍。主事呂維祺等。交章論崔文昇。亨可灼給事中。忠。世揚。并劾方從哲。有無君當誅者。三封后之舉。滿朝倡議。執爭從哲。依違其間。一也。受劉遜李進忠盜藏美珠。夜半密約。任亨選侍。佔居乾清二也。曲庇崔文昇。亨可灼三也。南京太常寺少卿曹珍亦請究醫藥。質實。焦源溥字涵一。三原人。馮三元。三河人。奸黨。魏應嘉。興化人。曹珣字用韋。益都人。徐養量。應城人。郭如楚。晉江人。呂維祺字介孺。新安人。惠世揚。清澗人。

選侍李氏移居噦鸞宮

選侍欲專大權必欲與皇長子同居廷臣箋奏令先進乾清然後進慈慶皇長子還居慈慶宮時一煥奏言今乾清宮未淨殿下請暫居此嘉謨曰今日殿下之身是社稷神人託重之身不可輕易即詣乾清宮哭臨須臣等到乃發皇長子首肯連語中官曰外事緩急在諸大臣調護聖躬在諸內臣責有所歸王安等踴躍稱諾丙子尚書周嘉謨等合疏請選侍移宮左光斗上言內廷之有乾清宮猶外廷之有皇極殿也惟皇上御天居之惟皇后配天得共居之其餘嬪妃雖以次進御遇有大故即當移居別殿非但避嫌亦以別尊卑也今大行皇帝賓天選侍既非嫡母又非生母儼然居正宮而殿下乃居慈慶不得守几筵行大禮名分倒置臣竊惑之且殿下春秋十六齡矣內輔以忠直老成外輔以公孤卿貳何慮乏人尚須

乳哺而強負之哉倘及今不早斷借撫養之名行專制之實武后之禍將見於今選侍得光斗疏大怒將加嚴譴數使宣召光斗光斗曰我天子法官也非天子召不赴若輩何為者選侍益怒邀皇長子議之皇長子深以光斗言為善趣擇日移宮而首輔方從哲徘徊其間顧欲緩之劉一燝曰本朝故事仁聖嫡母也移慈慶慈聖生母也移慈寧今何日可姑緩耶至登極前一日楊漣復抗言選侍陽託保護之名隱圖專擅之實今登極已在明日豈有天子偏處東宮之禮先帝聖明同符堯舜徒以鄭貴妃保護之故致病體沈痾醫藥亂投人言藉藉至今抱痛安得不為寒心此移宮一事臣言之在今日殿下行之亦必在今日閣部大臣從中贊決毋容泄泄以負先帝憑几輔殿下之託亦在今日疏上漣復往趣從哲從哲曰侍初九十二亦未晚漣曰天子無復往返東宮理選侍今不移亦未有移之日此不可頃刻緩者內侍曰獨不

王安初為東宮
伴讀頗有調護
之勞其行事亦
尚不違公是不
可謂非庸中佼佼但新君初立

皇長子由校即位

念先帝舊寵乎建曰國家事大豈容姑息且汝輩何敢如是聲徹大內予是一燥燬遂從哲請即日降旨立宮門以待選侍不得已乃移城鸞宮皇長子復還乾清是時宮府危疑人情洶懼光斗與連協心建議宸極獲正朝質實城鸞宮在仁壽宮門內傍有野稱為楊左暗鳳宮皆宮妃養老之處

時廷議改元或議削泰昌弗紀或議去萬歷四十八年即以今年為泰昌或議明年為泰昌後年為天啓元年左光斗請以今年八月以前為萬歷以後為泰昌明年為天啓從之初光宗在東宮時鄭貴妃謀立已子數使人陰撫其過內侍王安善為調護貴妃無所得挺擊事起安為屬草下令旨釋羣臣疑以安貴妃神宗大悅光宗即位嘗勸行諸善政發帑金濟邊起用直言鄒元標王德元等中外翕然稱賢及是劉

閣臣不思援衆
正匡扶轉欲倚
宦官為內助實
乖杜漸防微之
道雖王安秉筆
尚知謹慎持正
不致諸樂叢滋
但以朝政假手
中涓遂使柄移
司禮未幾而奸
璫逞志大翻朝
局流毒無窮捲
厥禍原一燦亦
不得辭咎也

一燦韓爌周嘉謨等念內廷惟安足恃引與共事安
亦傾心向之凡內閣吏部所奏請無不從發內帑抑
近倖搜拔賢才
中外欣然望治

賜太監魏進忠世廕封乳母客氏為奉聖夫人

初進忠隸司禮監掌東廠太監孫暹帝為皇太孫進
忠謹事之孝和皇后帝生母也時為王才人進忠賞
入宮典膳因魏朝以結王安朝先與帝乳媪客氏私
即所謂對食者友進忠入亦通焉客氏遂薄朝而愛
進忠兩人深相結帝嗣位進忠客氏並有寵封客氏
奉聖夫人廕其子侯國興弟客光及進忠兄釗並錦
衣千戶尋自惜薪司遷司禮監秉筆太監先是進忠
直東宮有道士教于市曰委鬼當頭立茄花滿地紅
委鬼謂魏茹則析其字為客也及質實客氏定興
是客魏始用事蓋已有先兆云
客氏二妻

諭內閣暴選侍李氏罪

選侍移宮雖迫侍養甚備會宮奴劉朝四詔等于移宮時盜內府秘藏過乾清門仆金寶墜地帝怒下法司案治諸閣懼搆蜚語謂選侍投環望八妹入升煢感朝士御史賈繼春信之即上書內閣言新君御極之時不當導以違忤先帝逼逐庶母俾先帝玉體未寒不能保其姬女于是左先斗上言選侍既移官後當存大體捐小過若使宮闈不安便于國體有選伏乞選召各部九卿科道面諭以當日避宮何故今日調御何方不得憑中使傳旨正劉遜李進何法其餘躁從寬典疏入傳諭內閣朕幼冲時選侍氣凌聖母成疾崩逝使朕抱終天之恨皇考病篤選侍威挾朕躬要封皇后朕暫居慈慶復遣李進忠劉遜等命每日章奏先奏選侍方與朕覽朕令奉養選侍于戚鸞宮仰遵皇考遺愛無不體悉其因詔等盜庫首犯事

干憲典原非株連可傳示遵行輔臣方從哲讀諭驚
愕具揭封進言皇上既仰體先帝遺愛不宜暴其過
惡傳之外
質實
賈繼春
廷帝不允
新鄉人

冬十月噦鸞宮火

帝諭選侍皇妹俱無恙尋給事中周朝瑞以繼春前
揭為生事致繼春再揭有伶仃之皇八妹入井誰憐
嫺寡之未亡人雄經莫訴之語揭連恐繼春說遂滋
亦上疏具陳移宮始末且言選侍自裁皇八妹入井
蜚語何自忍釀今日之疑端流為化年之實事臣安
敢無語帝優詔褒連復申諭羣臣數選侍之過言前
因殿崩聖母自度有罪每使宮人竊伺不令朕與聖
母舊侍言有輒捕去朕之苦衷外廷豈能盡悉因責
繼春妄生謗議且言朕今停選侍封號以慰聖母在
天之靈厚養選侍及皇八妹以遵皇考之意爾諸臣

可以仰體朕心矣時帝深惡繼
春將加嚴譴劉一燦力救乃止
質實 周朝瑞
南城人

葬定陵

諡曰乾天合道哲肅敦簡光文章武安仁
止孝顯皇帝廟號神宗孝端皇后祔
質實 定陵
在昌

平明北大路山距昭陵北一里自昭
陵五空橋東二百步分北為定陵

明史贊曰神宗沖齡踐阼昨江陵秉政國勢幾于富
強繼乃因循牽制晏處深宮綱紀廢弛君臣否隔
于是小人奸權趨利者與名節之士為仇讐門戶
紛然邪黨滋蔓在廷正類無深識遠慮以折其機
牙而不勝憤激交相攻訐以致人主蓄疑賢奸雜
用潰敗決裂不可振救論者謂明之王實亡於神
宗豈不
諒歟

罷遼東經畧熊廷弼以表應泰代之

明政之弊起于重內輕外間帥即有幹材而臺省歸訖之者輒無所不至其人或力圖銳入則以開釁糾之其人或意存持重則以促戰困之廷弼數言實足盡在廷牢不可破之陋習恃其為人威畧不無足觀而性質龐

廷弼有膽畧知兵自按遼即持守遼議至是主守禦益堅然性剛好謾罵物情不甚附給事中姚宗文向與廷弼同在言路意氣相得後以廷弼不薦已已怨及出閱遼宗文持內府體自尊廷弼心易之甫開燕幕吏傳外讐廷弼介而馳命屬吏欺宗文宗文色動未幾廷弼還笑曰老掌科無怨此遼閫常事耳燕罷宗文傾外實無讐意廷弼戲之恨甚主事劉國縉向亦與廷弼同官以京察被謫及贊畫軍前以故舊意望廷弼廷弼不能如前國縉怒遂與宗文比而傾廷弼是年三月我大清兵畧地花嶺六月畧王大人屯八月畧蒲河將士亡失七百餘人諸將亦有斬獲功適宗文還朝疏陳遼士曰戴誠廷弼廢羣策雄獨智軍馬不訓練將領不部署人心不親附復鼓其同類攻擊必欲去之御

疎不能自免是以尋常睚眦細故召聞賈搢至于身名先裂而莫之惜亦不得謂非其所自取耳

史顧慥首劾廷弼出閹踰年漫無定畫蒲河失守臣不上聞荷戈之士徒供挑漕上方之創逞志作威御史馮三元劾廷弼無謀者八欺君者三下廷議廷弼憤甚抗疏極辨且求罷而御史張修德給事中魏應嘉復劾之廷弼再疏自明繼上方銳力求罷斥朝議允廷弼去以表應泰代廷弼乃上疏求勘言遼師覆沒臣始為驅羸辟數千踉蹌出關至杏山而鐵嶺又失廷臣以為遼必亡而今且地方安堵舉朝帖靡此非不操練不部署者所能致也若謂擁兵十萬不能塞旗決勝誠臣之罪然求此于今日亦豈易言令箭催而張帥殞命馬上催而三路喪師臣何敢復蹈前軌三元應嘉修德復連章極論廷弼即請三人往勸帝從之御史吳應奇給事中楊連等力言不可乃改命兵科給事中朱童業往廷弼復上疏曰今廟堂議論全不知兵冬春之際敵以冰雪稍緩閱然言師財匱匱馬上催戰及軍敗始愀然不敢復言此臣收拾甫

定而愀然者又復閑然責戰然自有遼難以來用武
臣用文吏何非臺省所建白何嘗有一效疆場事當
聽疆場吏自為之何用拾帖括語徒亂人意一不從
輒拂然怒哉及童蒙還奏備陳廷弼功狀末言臣入
遼時士民垂泣而道謂數十萬生靈皆廷弼一人所
留其罪何可輕議獨是廷弼受知最深蒲河之役敵
攻蒲陽策馬趨救何其壯也及見官兵萬弱遽爾乞
體以歸將置君恩何地廷弼功在存遼微勞雖有可
紀罪在負君大義實無所逃此則罪浮于功者矣疏
入帝方知廷弼足用應泰歷官精明強毅用兵非其
所長其初受事為經畧也刑白馬祀神誓以身委遼
疏言臣願與遼相終始更願文武諸臣與臣相終始
帝優詔褒答賜上方劍戮貪將何光汰大將李光
榮以下十餘人遂謀進取撫順議用兵十八萬大將
十八上陳方畧初廷弼在邊持法嚴部伍整肅應泰
以寬矯之多更易而是時蒙古諸部大饑多入塞乞

食應泰下令招降歸者日衆處之遼瀋二城優其月
康與民雜居議者言收降過多恐致不測後應泰卒
以此
質實
花嶺在撫順城西瑪根升城西南十里王
大屯在渾河南岸奉集堡東三十里表應

泰字大來鳳翔人永童蒙
萊蕪人張修德太原人

以孫如游為禮部尚書兼東閣大學士預機務

帝即位如游以帝為皇長孫時未就
外傳即請開講進報可至是遂入閣

十二月許都給事中楊漣歸里

漣疏曰垂簾之秘事未明入井之煩言噴起臣不過
發明移宮始末而旋荷綸綍之褒過邀忠直之譽使
臣區區之苦心反為夸詡臣節之左券臣之不安一
也當時首請御文華殿受嵩呼者周嘉謨等也初出

乾清宮恭皇上左右手者張惟賢劉一燦也臣乃以憤爭之故獨受忠直之名俯慙卑末豈可掩人于朝仰藉清平豈可貪天之力臣之不安二也官禁自就肅清社稷有何杭陞而聖諭以志安社稷為言君幸有子不憂祀國之天臣獨何人敢捧虞淵之日臣之不安三也臣無病不敢以病請皇上未罪臣不敢以罪請惟有明微薄之心跡乞浩蕩之恩波放臣為急流勇退之人而已詔許之

方從哲罷

從哲性柔懦不能任大事凡所疏論以有內援名爭而已實將順帝意無所匡正向高秉政時黨論鼎沸銓部斥逐清流賴向高維持及從哲當國丁巳京察斥東林殆盡且及林下從哲昵羣小而帝怠荒亦益甚四十七年楊鐫喪師禮部主事夏嘉遇謂遼事之敗由興邦紅旂督戰及從哲庇李維翰所致兩疏劾

之從哲求罷不敢入內閣于朝房視事帝優旨慰留
乃復入而反擢興邦為太常少卿御史張新詔劾從
哲諸所疏揭委罪君父誣言欺人祖宗二百年金甌
壞于從哲手御史蕭穀中劉蔚周方鑑楊春茂王尊
德左光斗山西參政徐如翰亦交章擊之帝皆不問
帝自以海宇承平官不必備有意減損及遼左軍興
又不欲矯前失從哲復薦姚宗文聞遘斷經畧熊廷
弼去論者謂明之亡神宗基之而從哲其罪首也及
光宗崩復以縱庇可灼文昇為臺諫所折摘從哲不
自安力求去疏六上命進中樞殿大學士賫銀幣蟒
衣允其致仕

質實

夏嘉遇華亭人張新詔掖縣人
王尊德泗州人徐如翰上虞人

御定資治通鑑綱目三編卷三十一

欽定四庫全書

御定資治通鑑綱目三編卷三十二

起辛酉明熹宗天啟元年凡三年
盡癸亥明熹宗天啟三年

熹宗哲皇帝天啟元年春二月遼陽有數日並出

甲午日日交暈左
右有珥白虹彌天

閏二月孫如游罷

廷推為明季弊
政前已具論之
孫如游以講幄
舊恩熹宗特為
簡用即未必遂
稱得人之慶而

如游入閣言者詆其不由廷推交章論列如游亦屢
乞去帝輒勉留及是復上疏言祖宗任用閣臣多由
時簡達者無論在世廟則有張璉桂芳方獻夫夏言
徐階袁煒嚴訥李春芳在穆宗則有陳以勤張居正

命相出自朝廷
實事當而理正
乃當時言路輒
以其不由推舉
妄肆詆譏交章
論劾必欲
去之而後
已如游亦
遂抗禮不
安屢疏遠退熹
宗竟付之無可
如何是廷臣竟
忘取貴之權當
操之自上公然
把持揆席爭構
寤寤朝綱倒置

三月我

大清兵取瀋陽總兵賀世賢尤世功等死之

去之而後
已如游亦
遂抗禮不
安屢疏遠退熹

素應泰議三路出師復清河撫順未行

大清兵已薄瀋陽總兵賀世賢尤世功等分兵乘城

大兵營城東七里世賢等于城外鑿掘壕塹樹柵築牆

環列鎗礮以拒復登堦堅守

大兵進攻繞城掩奪世賢出戰且却抵西門身被十四

矢城中聞世賢敗各鳥獸竄或勸世賢走遼陽曰吾

為大將不能存城何面目見表經略乎揮鐵鞭突

圍中中矢墜馬而死世功引兵援亦戰死城外兵七

至此不亡何待

萬人皆潰。參將夏國卿、知州段展、同知陳栢皆死于陣。遂樹雲梯，拔潘陽城。時總兵陳策統四川步兵二

萬營，黃山渡渾河來援。大兵分路以進。

太祖高皇帝復勅後軍往助，衝擊，策兵大敗。追擊至渾河，兵盡溺。策及參將張名世死之。總兵李秉誠、朱萬良、姜

弼領騎兵三萬來援。太祖命雅遜率護軍二百往偵，援兵一進，雅遜退，援兵逸。躡其後。

太祖聞之，怒，欲自往擊。

太宗文皇帝請行，領軍疾馳，迎戰，援兵之躡雅遜者潰奔掩擊。至白塔鋪，遇秉誠等方布陣。

太宗不待後軍至，即率百騎追擊，秉誠萬良弼驚遁。大貝勒代善、台吉岳托軍亦至，同追擊四十里，斬首三千級而還。

太祖復擊渾河以南，步兵破其營，副將董仲貴等戰死，衆盡

臧游擊周救吉副將戚金叅將吳文傑都司袁見龍
鄧起龍守備雷安民雲南都司張名世石砬都司秦
邦屏等
質貫 白塔舖在承德縣南二十里有河源出
皆死 老堂峪西流入渾河賀世賢榆林衛人

戰戎後或疑其叛降故恤典不及 本朝乾隆四十
一年追諡忠烈尤世功榆林衛人官左都督贈少保

世隆三級再座指揮僉事世襲賜祭葬建祠曰愍忠
乾隆四十一年追諡烈愍夏國鄉陳栢里系無考段

展涇陽人乾隆四十二年俱追諡節愍張名世山陰
人陳策李秉誠朱萬良姜弼里系無考乾隆四十一

年俱追諡烈愍董仲貴一作仲揆南京人萬厯末擢
副總兵督川兵援遼及瀋陽戰死贈都督同知世廕

三級祠祭乾隆四十一年追諡烈愍周敦吉戚金吳
文傑袁見龍鄧起龍雷安民里系無考秦邦屏忠州

人乾隆四十一
年俱追諡烈愍

大清兵取遼陽經略袁應泰巡按御史張銓等死之

時我

太祖高皇帝既得瀋陽集貝勒諸臣議以瀋陽已拔宜乘勢

長驅遂進兵規取遼陽袁應泰方撤奉集威寧諸軍并力守禦開太子河引水注濠沿濠列火器四面守禦甚嚴

大兵至城總兵李懷信等率兵五萬出城五里結營

太祖命左四旗兵擊其左

太宗文皇帝請留二紅旗兵于城傍覘視而自引軍衝擊其

太宗乘勝追擊六十里方接戰時遼陽兵自西關出援留後

之二紅旗兵見而邀擊驅令奔回遼陽兵爭入出蹂踐死者枕藉翌日

太祖親率右翼兵布橋車堵列城隅以衛衆軍遼陽步騎三

太祖

萬出東門列營相拒右翼諸將遣人馳告曰掘插口不若奪橋易也

諭令往奪果得之會雍遏水口將涸右四旗前隊軍渡壕大呼掩擊東門外營方鏖戰

大兵紅甲二百白旗兵千並進遼陽騎兵遂敗各貝勒部下白甲精銳護軍復大呼奮射而入遼陽步兵亦

敗望城奔竄

大兵乘勝縱擊至東門外遼陽兵死者濛塹皆滿水盡赤時左四旗兵奪武靖門橋分擊守濠者城上下發火器抵拒

大兵奮勇衝突樹梯登城遂奪西城城中驚擾大亂日將夕左四旗

大兵已登城是夜城中舉火列炬拒賊達旦守城官牛維曜高出筹及衆軍民多乘亂趨城而遁翌日復立

插大戰又敗又四旗

大兵復登城遂克遼陽總兵朱萬良副將梁仲善參將

王勇房承勲游擊李尚義張繩武都司徐國全王宗盛守脩李廷幹等皆戰死先是攻城時袁應泰居城北鎮遠樓知事不濟嘆息謂巡按御史張銓曰吾當死於此公無守城責宜急去退保河西圖後舉銓曰不可應泰遂佩劍印自縊死婦弟姚居秀從之僕唐世明憑屍大慟縱火焚樓死銓被執不肯降

太祖命賜死以遂其志

太宗惜銓欲生之婉諭數四終不可奪不得已縊而葬之分守道何廷魁懷印綬率其妾高氏金氏投井死婢僕從者六人僉事崔儒修戎服自經于都司署

太祖入遼陽城百姓皆呼萬歲

太祖命皇子台吉德格類姪台吉寨桑古八大臣率引兵

千人安撫居民至海州城中官吏及富殷之家張鼓樂肩輿迎二台吉攬轡傳令禁軍士擾害不得奪民財物二台吉宿公廨中軍士俱屯城上禁勿入民家遼陽既下遼東之三河等五十寨及河東大小七十

餘城盡望風降質實太子河在遼陽州北十五里即古大梁水又名東梁河源出薩穆禪山自葦子

峪東入西南流至州西北合渾河又西至海城縣西北入遼河河西時以遼河之東為河東遼河之西為

河西袁應泰本朝乾隆四十一年追謚忠節牛維暉商州人高出萊陽人梁仲善里系無攷乾隆四十

一年追謚烈愍王多房承勲李尚義王宗盛李廷幹里系無攷張繩武本姓陳一作神武新建人乾隆四

十一年追謚烈愍徐國全里系無攷何廷魁字汝謙大同人崔儒秀字傲初陝州人乾隆四十一年追謚

節愍

援遼都司毛文龍集兵皮島

時沿海居民以河東失事皆航海走山東不能達者棲止各島間文龍率援師至皮島島在登萊大海謂

之江東地廣衍有險可恃文龍乃招集逃民為兵分
布哨船聯接登州為犄角計朝議是之授文龍參將

質實

毛文龍
仁和人

夏四月延綏孤山城陷

是月癸丑城陷三十
五丈入地二丈七尺

賈繼春削籍

御史賈繼春初以移宮事具揭奉旨切責復上言自
明効忠規勸之意吏部尚書周嘉模及九卿科道等
懇請優容帝意
不回遂削籍去

五月壬申朔日有食之

以王化貞巡撫廣寧

化貞前以叅議守廣寧。朱童蒙勘事還，極言化貞得西鄙心，勿輕調。化貞亦言：「遼事將壞，惟發帑金百萬，並款西鄙，會瀋陽相繼失戍，議將起廷弼御史方震儒請加化貞秩，便宜從事。」令與薛國用同守河西。乃進化貞右僉都御史，巡撫廣寧。廣寧城在山隈，登山可俯瞰城內。恃三公河為阻，又水淺，可涉。廣寧止孱卒千，化貞招集散亡，復得萬餘人，激勵士民，聯結西鄙人心，稍安。中朝謂其才足恃，悉以河西事付之。化貞又以登萊、天津兵可不設，諸鎮入衛兵可止。當事益信其才，所奏請輒報可。時金復衛軍民及東山礦徒多結砦自固，以待官軍。其逃入朝鮮者亦不下二萬。化貞請鼓舞諸人，優以爵祿，俾自奮於功名。並請招諭朝鮮。**質實**金復衛金州衛在明遼東都司城南，六百里。今寧海縣境。復州衛在明遼

帝從之。

東都司城南四百二十里今復州界俱屬奉天府薛國用洛陽人歷官山東右參政分守遼海道以古僉都御史代應泰巡撫遼東應泰死代為經略

立皇后張氏

后祥符人時大學士劉一燝及御史畢佐周劉蘭請遣客氏出外帝聽不忍捨曰皇后幼穎嫗保護俟皇祖大薨後議之又以大婚禮成廢魏忠賢姪二人給事中程沆周之綱奏祖制非軍功不襲國典不當濫予不聽

太監魏忠賢矯詔殺司禮太監王安

帝命安掌司禮監安以故事辭客氏勸帝從其請與忠賢謀殺之忠賢猶豫未忍客氏曰爾我孰若西李

而欲遺忠耶忠賢意乃決味給事中霍維華論安降充南海子淨軍而以劉朝為南海子提督使殺安朝故李選侍私闖以移宮盜庫下獄宥出者既至絕安飲食取籬落中蘆菰唱之三日猶不死乃撲殺之賢

實

王安于莊烈帝時賜祠額曰昭忠霍維華東北人

魏忠賢閱章奏

忠賢不知書頗強記猜忍陰毒好諛帝深任信用司禮監王體乾及李永貞石元雅徐文輔等為腹心凡章奏永貞等先閱視鈐識款要白忠賢議可否然後行帝性機巧好親斧鋸推鑿聚漆之事每引繩削墨忠賢輒奏事帝厭之謬曰朕已悉矣汝輩好為之忠賢因得擅威福

六月廣東地出血

明時至熹宗勢已一蹶不振況復身親賤伎欲與巧匠爭工其為容魏煬誠實由自取但自占聞奴乘隙為姦亦自師承有長如秦崐高侯二世燕樂促令李

斯奏事以激其
怒唐仇士良教
其黨云天子不
可令常閒宜娛
其耳目無暇及
他事然後吾輩
可以得志觀忠
賢故智前後如
出一轍可見育
小肺腸不謀而
合無如昏庸者
明知覆轍而蹈
之

庚寅日啟慶王民骸積
家中庭噴血如跑突泉

起熊廷弼經略遼東

初廷弼雖罷帝念其守遼功仍議起用藩陽破廷臣
復思廷弼給事中郭肇力詆之及遼陽繼失河西軍
民盡奔自塔山至閭陽二百餘里烟火斷絕京師大
震劉一燝曰使廷弼在遼當不至此御史江秉謙追
言廷弼守遼功且以排擠榜臣為肇罪帝乃治前劾
廷弼者貶馮三元張修德魏應嘉郭肇等秩除姚宗
文名御史劉廷宣救之亦被斥乃詔起廷弼于家及
是廷弼入朝首請免言官貶謫帝不可乃建三方布
置策廣寧用馬步兵列疊三岔河上天津登萊各置
舟師設營築巡撫如天津而山海特設經畧節制三
方以一事權遂命廷弼以兵部尚書兼右副都御史
駐山海關經略遼東軍務賜上方劍請調兵二十餘

萬以兵馬易換器械之屬資戍戶兵工三部廷弼因
奏請復監軍道高出胡嘉棟督餉郎中傅國等官令
其任事又議用遼人故贊畫主事劉國縉為登萊招
練副使夔州同知佟卜年為登萊監軍食事故臨洮
推官洪敷教為職方主事軍前贊畫收拾遼人心並
報允七月廷弼因特賜麒麟服一彩幣四宴之郊外
令文武大臣陪餞異教也先是袁應泰死薛國用代
為經略病不任事化貞乃部署諸將沿河設六營營
置叅將一守備二分守諸要害各設戍防議既上廷
弼疏言河窄難恃堡小難容今日但宜固守廣寧若
駐兵河上兵分則力弱倘輕騎前渡直攻一營力必
不支一營潰則諸營俱潰西平諸戍不能守河上止
宜置游擊兵更番出入示以不測不宜屯聚一處為
人所乘自河抵廣寧止宜多置烽燧西平諸處止宜
稍置戍兵為傳烽哨探之用而大兵悉聚廣寧于城
外犄角立營深壘高柵以俟蓋遼陽去廣寧三百六

十里非飛騎一日所能到有聲息我必預知斷不宜
分兵防河先為自弱之計疏入優旨褒答會御史方
震儒亦言防河不足恃議乃寢化貞以計不行愠甚
盡委軍事于廷弼廷弼請申諭化貞不得藉口節制
坐失事機先是四方援遼之師化貞患改為平遼遼
人多不悅廷弼言遼人未叛乞改平遼名以安其心
自是化貞與廷弼質實塔山在承德縣東南四十里
有隙而經撫不和
府廣寧縣西南五十里今為驛江東譙字兆豫歙
人郭鞏遷安人方震儒字孩未桐城人高出萊陽人
胡嘉棟
西華人

以張鶴鳴為兵部尚書

初鶴鳴巡撫貴州威名甚著遷兵部右侍郎總督陝
西三邊軍務尋轉左侍郎佐理部事時兵事亟兵部

增設二侍郎而鶴鳴與祁伯裕王在晉並卧家園不
赴及是右侍郎張繼世督援師出關部中遂無侍郎
言官請起鶴鳴章數十上乃剋期令兵部馬上督催
始履任至則論前平苗功進本部尚書視侍郎事尚
書出衆乾出督薊遼軍務遂代其位給事中韋蕃請
留象乾出鶴鳴督師忤旨謫外鶴鳴與經略熊定弼
相失論事多齟齬獨喜巡撫王化貞化貞本庸才好
大言鶴鳴主之所奏請無不從令無受迂弼節度中
外皆知經撫不和必誤封疆而鶴鳴信化貞愈篤卒致疆事大壞

秋七月順天蝗

八月以毛文龍為總兵官駐師鎮江城

時廷弼奏言三方建置須聯絡朝鮮請遣使往勞俾
盡發兵屯營江上助我聲勢再詔恤遼人之避難朝

鮮者招集團練別為一軍與朝鮮軍合執使臣即權
駐義州控制聯絡與登萊聲息相通更發銀六萬兩
分犒朝鮮及遼人乞給空名劄付百道東山礦徒能
結聚千人者即署都司五百人者署守備一二萬勁
兵可立致也因薦監軍副使梁之垣充命使帝從之
方與所司議兵餉而毛文龍適以島山兵襲取鎮江
時我

大兵鎮江守將陳良策潛通于文龍故文龍引兵取其
城王化貞遽以大捷奏舉朝皆喜化貞遂請授文龍
總兵官設軍鎮皮島廷議亟發天津登萊水師二萬
授文龍化貞督廣寧軍四萬進據河上合諸蒙古軍
乘機進取張鵬鳴以為然奏言時不可失促進師廷
弼言三方兵力未集文龍餘之太早亂三方並進之
謀誤屬國聯絡之計時朝士方以鎮江為奇捷聞其
言多不服廷弼又顯詆鵬鳴謂臣既任經略四方援
兵宜聽臣調遣乃鵬鳴竟自發戍不令臣知臣咨部

問調軍之數亦不答臣有經略名而無其實遼左事
惟樞臣撫臣共為之鶴鳴益恨化貞又言西部兵四
十萬且至請速濟師廷弼言撫臣恃西部欲以不戰
為戰計臣未敢以為可也臣初三方布置必兵馬罷
械舟車芻茭無一不備而後起期齊舉進足戰退亦
足守今臨事中亂雖樞臣主謀于中撫臣決策于外
而臣猶有萬一
不必為之慮也
質實
義州在錦州府北九十里遼置
宜州崇義軍金改置義州屬北
京路元屬大寧明置義州衛屬遼東都指
揮使司今為義州屬錦州府梁之垣登州人

王化貞渡河進師無功而還

化貞既渡河廷弼不得已出關次右屯而馳奏海州
取易守難不宜輕舉化貞為人驍而愎素不習兵妄
意降將李永芳為內應又信西部言謂助兵四十萬
遂欲以不戰取全勝一切士馬中仗糗糧營壘俱置

不問務為大言以圖中朝謂仲秋之月可高枕而聽
捷音尚書鶴鳴深信之以故廷弼不得行其志及是
西部兵不至化貞亦不敢進後十月河平合廣寧人謂
大清兵必渡競謀竄逸化貞乃與震孺計分兵守鎮
武西平間陽鎮寧諸城堡而以重師守廣寧鶴鳴亦
以廣寧可慮請勒廷弼出關策應廷弼上言樞臣第
知經略一出足鎮人心不知徒手之經略一出其動
搖人心更甚且臣駐廣寧化貞駐何地鶴鳴責經撫
協心同力而樞臣與經臣獨不當協心同力乎為今
日計惟樞部俯同于臣臣始得為陛下任東方事也
既而廷弼復出關至右屯議以廣寧內護廣寧外扼
鎮武間陽乃令劉渠以二萬人守鎮武祈秉忠以萬
人守間陽羅一貫以三千人守西平部署甫定
化貞又信牒者言遼饑兵襲海州旋亦引還
西平堡名在廣寧縣之東劉渠保定人祁秉忠西寧
世襲土司羅一貫甘州衛人本朝乾隆四十一年

追諡
烈愍

九月塋慶陵

諡曰崇天契道英睿恭純憲文景
武淵仁懿孝貞皇帝廟號光宗
質實慶陵在昌平

半之
右

明史贊曰光宗潛德久彰海內屬望而天不假
年指施未展三案爭構黨禍益熾可哀也夫

賜客氏香火田

帝以客氏保護功命戶部擇田二十頃以為香火之
用魏忠賢以陵工告成錄叙御史王心一疏言梓宮
未殯先規客氏之香火陵工既成強入忠賢之勳勞
于禮為不順于事為失宜忠臣愛君必防其漸帝怒

責質實 王一心
吳縣人

四川永寧土司奢崇明反

永寧奢氏猱種也洪武中歸附世為宣撫司傳至奢
崇周無子崇明以疎屬襲外蕃內陰驚其子寅尤驍
傑好亂時朝廷方遣官募川兵援遼崇明父子請行
先遣土目樊龍張彤等以兵詣重慶巡撫徐可求議
汰其老弱發餉餉復弗繼龍等遂鼓衆反殺可求及
道府總兵等官二十餘人時土兵數千列江岸相應
遂據重慶分兵攻合江納溪破瀘州陷遵義時遵義
道臣李仙品參將萬金督兵援遼俱赴重慶城中守
備空虛通判袁任先期委城遁賊攻合州江軍知州
翁登序知縣周禮嘉悉力捍禦不能破賊陷興文知
縣張振德不屈率妻子赴火死崇明統所部與散外
諸蠻凡數萬播州遺孽及諸亡命奸人蠱起附全川

震動崇明乘勢向成都官兵出拒者多敗冬十月崇
明進圍成都偽號大梁設丞相以下官時城中僅鎮
遠營兵七百餘人左布政使朱爕元將入覲蜀王以亂
留治軍事爕元急趨近道兵赴後借右布政使周著
按察使林宰等分埤固守賊薄城爕元屢以火器却
之至暮賊擁鉤梯千數攀城欲上爕元戒士卒第放
礮礮石毋詳遲明賊積死滿城下時濠水方涸賊率
降民持篋束薪載濠石壘如山下架蓬葦以避銃石
伏弩仰射城中爕元夜絕壯士持芻塗膏殺守者縱
火大舉山墮賊大阻爕元又遣人決郤江堰水至濠
濠滿城因治橋得少息尋斬入城為內應者二百人
懸首埤上賊又于城四面立望樓高與城齊爕元曰
賊設瞭望必四出探掠其中虛遂命死士五百人突
出擊之賊果無備所三賊帥焚其樓賊少懼已而援
兵漸集石硃女土官秦良玉先遣其弟民屏蔡兵四
千倍道潛度重慶自統精兵鼓行而西復新都他路

援兵亦連勝賊然賊亦日增相持百餘日有僞民脫
歸者言賊造旱船決勝負一日賊數千自林中大噪
出視之有物如舟高丈餘長五百尺樓數重簷第左
右板如平地一人披髮仗劍上戴羽旗中數百人各
挾機弩毒矢牛數百頭運石穀竹旁翼而雲樓如左右廣
俯視城中城中人皆哭燬元曰此呂公車也破之非
礮石不可乃用巨木為機關轉索發礮飛千鈞石擊
之又以大礮擊牛牛返走賊大敗去會裨將劉養鯤
言有諸生范祖文鄒尉陷賊中遣孔之譚來約賊將
羅乾象欲自援効用燬元即遣之譚復往至則與乾
象俱來燬元方卧戊樓呼與飲乾象衷甲佩刀燬元
不之疑就榻呼同卧酣寢達旦乾象感激誓以死報
許之鯤而出後賊營舉動悉知踰數日乾象誘崇明
至城下伏起崇明跳免乾象縱火焚營賊兵亂崇明
父子倉皇走瀘州乾象以衆來歸成都圍解時二年
正月也事聞以燬元為四川巡撫帥師追崇明乘執

復州縣衛所四十餘惟樊龍扼重慶不下夔元督良
玉等奪二郎關據其險佛圖關亦為總兵杜文煥所
破諸將逼重慶而軍城中乏食夔元以計擒樊龍殺
之張彤亦為亂兵所戮遂復重慶瀘州尋亦復按
當時重慶被害者道臣孫好古駱日升李繼周知府
章文炳同知王世科熊嗣先推官王三宅知縣段高
選總兵黃守魁王守忠參將萬金王高爵其入城殺
賊遇伏死者原任鞏昌同知董盡倫賊薄成都時陷
陣死者有指揮周邦泰遇賊走免者有指揮張愷焉
降者有指揮周邦泰遇賊走免者有指揮張愷焉
質
合州隋涪州宋屬潼川府元屬重慶路明屬重慶
府今因之二郎關在重慶府巴縣西北六十里佛
圖關在巴縣西十里即李嚴欲鑿通汶涪二江處為
重慶要津津上有石佛寺故名徐可求衢州西安人
張振德字季修崑山人朱夔元字懋和
浙江山陰人周著南昌人林宰漳浦人

謫給事中侯震暘于外

初客氏已出宮復召入震暘奏曰皇上于客氏始而徘徊眷注稍遲其出猶可言也出而再入不可言也奸璫羣小睥睨其側內外鈎連借叢煬竈有不甘言者公麼里婦何堪數昵至尊哉上怒責之時倪思輝朱欽相王心一相繼疏劾皆降謫吏部尚書周嘉謨貝疏論救亦不報

質實

侯震暘字得一嘉定

人倪思輝祁門人朱欽相臨川人

十二月罷吏部尚書周嘉謨

神宗末齊楚浙三黨為政黜陟之權吏部不能舉及嘉謨為尚書大起廢籍向稱三黨之魁者漸自引去惡霍維華傾狡出之外魏忠賢怒喉給事中孫杰劾嘉謨受劉一燝屬為王安報仇嘉謨遂罷歸

質

實

孫承錢
塘人

壬戌 二年春正月我

大清兵取西平堡副將羅一貫死之

先是化貞凡五出師輒引還李永芳不應西部亦不
至廷弼乞勅化貞慎重舉止化貞上言願請兵六萬
一舉蕩平因請便宜行事時葉向高當國化貞座主
也頗右之廷臣惟太僕少卿何喬遠御史江東謙周
宗建等與廷弼合餘皆右化貞令毋受廷弼節制廷
弼抗疏言臣以東西南北所欲殺之人通達事機難
處之會諸臣能為封疆客則客之不能為門戶客則
去之何必內借閣臣外借撫道以相困又言經撫不
和侍有言官言官交攻恃有樞部樞部佐關恃有閣
臣今無望矣帝令羣臣議兩人去留時中外俱知經

撫不和必誤封疆大事而張鶴鳴篤信化貞請撤廷弼他用帝不從責再議議未上而

大清已渡渡遠河時我

太祖高皇帝命兵守遼陽

親率貝勒大臣及衆兵進攻由東昌堡遂渡遠河防河兵率

見

大清兵勢不可當俱遁走

大軍前隊精銳追擊二十里外遂至西平堡全軍繼至

圍攻之招副將羅一貫降不從布

梯梯攻城四而兵皆潰克之斬一貫

質實

東昌西平兩堡俱遠河上

在廣寧

縣東

王化貞棄廣寧與熊廷弼走入關

化貞遣遊擊孫得功參將祖大壽合總兵祈秉忠赴援廷弼亦檄總兵劉渠會師前進與

大清兵遇乘機急戰
大兵不暇布陣即飛馳突入奮射衝擊所向披靡得功

呼曰兵敗矣遂與參將鮑承先等先奔

大兵乘勝追擊五十里斬殺無算至平陽橋祁秉忠及

副將劉微參將黑雲鶴等皆死之全軍盡沒大壽走
覺華島得功請降得功素為化貞心腹及是欲生縛

化貞以為功時

大清兵屯沙嶺未進得功揚言兵已薄城居民驚竄參

政高邦佐禁之不能止化貞方聞署理軍書不知也
參將江朝棟排闥入大呼曰事急矣請公速去化貞

莫知所為朝棟掖之出上馬僕二人徒步從遂棄廣
寧跟搶西走得功偕守備黃進千總郎紹貞陸國志

等降于我

大清遠近四十餘城守禦官皆率屬降先是迂弼離石

屯次開陽驛聞敗參議邢慎言請馳救為愈事韓初
命所阻遂退還及化貞棄城走迂弼遇之大凌河化

太宗文皇帝引兵至義州克之而還敗聞至京師鵠鳴懼

大軍至錦州駐營大貝勒與

貞哭廷弼微笑曰六萬衆一舉蕩平竟如何貞慙議
宇寧逮及前屯廷弼曰嘻已晚惟獲難民入關可耳
乃以已所將五千人授化貞為殿盡焚積聚與副使
高出胡嘉棟等先後入關獨邦佐至杏山驛自經死我

罪因自請視師給事中侯震陽少卿馮從吾董應舉
請並逮化貞廷弼以中國法獄具二人並論死鵠鳴

尋亦
罷歸
質實
覺華島在明寧遠衛東南二十里海中島
上有海雲龍宮二寺沙嶺在廣寧縣東右

明都司都西五百四十里前屯明都司城西九百六
十里洪武時以元瑞州置廣寧前屯衛今屯俱廢故

城在寧遠州西南大凌河源出大寧經廣寧界入海
杏山驛在錦縣西南四十里劉徽黑雲鶴里系無考

本朝乾隆四十一年俱追諡烈愍高邦佐字以道襄陽
人邢慎言益都人馮從吉字仲好長興人董應舉字

崇相
閩人

二月貴州水西土目安邦彥反

邦彥水西宣慰使安堯臣族子堯臣死妻奢社揮撫
幼子安位襲職邦彥挾之反社輝即崇明女弟也嘗
與崇明子寅爭地相仇而邦彥素懷異志與崇明合
及崇明反或傳其已陷成都邦彥遂挾位以叛為崇
明聲援自稱羅甸大王率兵首襲畢節陷之時諸部
頭目安邦俊安若山陳其愚陳萬典等竊起為助乃
分兵西破安順霑益東下甕安偏橋而邦彥自統水
西軍渡陸廣河直趨貴陽百計攻城當是時永寧未
平水西又起貴陽城中藩臬守令咸入覲巡撫李檣
方受代聞變與巡按御史史永安提學僉事劉錫元
悉力拒守學官及諸生亦督民兵分環以守賊不能
陷時烏撒衛已破指揮管良相死之鎮將張永芳將

兵二萬赴援。遂隔龍里，不得進。諸將馬一龍、白身、強皆戰沒。外援遂絕。城中糧盡，先食糠粃，草木敗，草遂食死人肉。後乃食生人至親屬，相啖。里居參政潘濶，民一女被食。知縣周思稷自殺，以饗軍。其存者卒，誓死守，不遺餘力。中朝方亟，遑事不能顧久之。新撫王三善大會將士，議曰：「省城不能待矣，外援不至，吾輩死法死敵等死耳。」尚何俟邪？遂分兵三路進衛，救疾走進，不許退。前部斬賊首一人，賊衆披靡，遂奪龍里城。乘執急擊安邦俊，被銃死。邦彥駭走，遂直抵貴陽。下先以五騎傳呼曰：「新撫至矣。」舉城歡呼，更生。貴陽被圍十餘月，城中戶十餘萬，至是僅存二百人，而貴城卒全皆撲及。永安錫元功也。時議與朱燮元之守城。

都並**質實**。安順元州明為府，今因之。甕安明縣今屬。稱焉。貴州平越府陸廣河在貴陽府修文縣境。

其上源出安順府曰滴澄河，下流入遵義府為烏江。烏撒衛舊烏蠻地，明洪武十五年建衛，隸烏撒衛民。

府東距貴州界二百五十里李樸字長孺鄆人史永安武定人劉錫元長洲人王三善字彭伯永城人

以孫承宗為兵部尚書兼東閣大學士預機務

初廷臣以承宗知兵推為兵部添設侍郎主東事帝不欲承宗離講筵不許既擢禮部右侍郎協理詹事府會廣寧既失東事益急遂拜承宗為兵部尚書兼東閣大學士又從御史左光斗請命承宗以閣臣理部事承宗上疏曰邇年兵多不練餉多不覆以將用兵而以文官招練以將臨陣而以文官指發以武略備邊而日增置文官于幕以邊任經撫而日問職守于朝此極弊也今天下當重特權擇沉雄有氣略者授之節鉞得自辟置偏裨以下勿使文吏用小見沾沾凌其上邊事小勝小敗皆不足問要使守關無闕入而徐為恢復計因列上撫西部恤邊民減京軍增永平大將修薊鎮亭障開東京屯田數策帝嘉納焉

承宗又請下廷弼于理與化貞並獻用正朝士黨護
又請逮給事中明時舉御史李達以懲四川之招兵
致寇者又請詰責遼東巡按方震孺登萊將軍梁之
垣以警在位之耽耽者諸人以次獲譴朝右亦聳然
側目
質實
孫承宗字雅繩高陽人明
時舉南苑人李達安居人

三月劉一燝罷

初陵工成忠賢欲以為功一燝援故事內臣非司禮
掌印及提督陵工不得濫蔭止擬加恩諸言官論客
氏被謫者一燝皆疏救有請出客氏于外及言官交
章論沈瀛瀛疑一燝主之與忠賢比而辭一燝一燝
持大體不徇言路魏客用事一燝執孤孤既而霍維華
外轉其同官孫杰疑一燝屬周嘉謨為之上疏力攻
一燝一燝疏辨求罷忠賢從中構之帝始慰留既允
其去業向高言客氏既出復入一燝顧命大臣乃不

得比保姆致使人揣摩于寘寘
不可知之地其漸當防不聽

舉內操

魏忠賢勸帝選武閣鍊火器又日引帝為倡優聲伎
狗馬射獵給事中惠世揚周朝瑞御史江秉謙等劾
沈淮交通閹人弄兵大內中旨切責侯震賜黃尊素
等先後疏諫皆不聽迨後內操增至萬人哀甲出入

鉦礮喧
震內外
質實
黃尊素字真
長餘姚人

夏四月禮部尚書孫慎行追論前輔方從哲進紅丸罪

初光宗大漸鴻臚寺丞李可灼以紅鉛丸藥進俄帝
崩羣臣交章劾之大學士方從哲擬旨令引疾歸責
以金幣至是慎行以召還朝即追劾紅丸事斥從哲
為弑逆上疏曰先帝驟崩雖云夙疾實緣醫人用藥

不審聞卽報知李可灼紅丸乃首輔方從哲所進夫
可灼官非太醫紅丸不知何藥乃敢突然以進昔許
惲公飲世子藥而卒世子即自殺春秋猶書之為弑
然則從哲宜何居速引劍自殺以謝先帝義之上也
合門席葉以待司冠義之次也乃悍然不顧至舉朝
共攻可灼僅令回籍宜以己實薦之恐與同罪歟臣
以為從哲縱無弑之心却有弑之事欲辭弑之名難
免弑之實百口不能為天下萬世解也後此則有選
侍垂簾聽政事劉遜李進忠么麼小豎何遂大膽揚
言說者二賢早以金寶輪從哲家若非九卿臺諫力
請移宮選侍一日得志陛下幾無駐足間爾時從哲
濡遲不進科臣保之則云遲數日無害任婦寺之縱
橫忍君父之机枉為大臣者宜爾乎陛下宜急討此
賊雪不共之仇毋詢近習近習皆從哲所攀援也毋
拘忌諱忌諱即從哲所布置也并請即誅可灼以洩
神人之憤時朝野方惡從哲慎行論雖過刻皆爭建

其言顧近習多為從哲地帝乃報曰舊輔素慎事係傳聞下廷臣集議都御史鄒元標主慎行疏從哲奏辦自請削官階投四裔帝慰諭之給事中魏大中以九卿議久稽趣之時議者一百十有餘人紛紛俱罪從哲刑部尚書黃克纘及給事中汪慶百等等數人右之希內廷意也慎行復疏折之且言克纘之謬于是大學士韓爌述進藥始末尚書張問達等合奏言慎行論可灼進紅丸事可灼先見內閣臣等未知及先帝召見乾清宮輔臣與臣等俱慎重未聽決及宣臣等入宮先帝問可灼安在可灼至進紅丸少頃復進一丸先帝服藥微汗身溫熱就寢臣等所共見聞輔臣視先帝疾急迫倉皇弑逆二字何忍言但可灼非醫官且非知醫脉者以藥嘗試先帝龍馭即上非但從哲未能止臣等亦未能止均有罪焉乃從哲反齎可灼及御史王安舜有言先止罰庫繼令養疾失之太輕何以慰皇考服中外宜如從哲請削其官

階為法任咎至可灼罪不容誅而崔文昇當皇考哀
感時妄進大黃涼藥罪又在可灼上法皆宜顯戮以
洩公憤議上可灼遣戍文
質實
魏大中字孔時嘉善
人黃克纘字紹夫晉
江人

大雨雹

累月不雨陰風怒號雹如雞子大著屋瓦磧俱碎草
木禾稼毀折不可勝紀御史周宗建謂陰盛陽衰之
徵疏陳四事一攻大學士沈漙一請寃建言廢黜諸
臣一言熊廷弼已有成獄不當因此羅織朝士一專
詆魏忠賢言忠賢目不識丁陰賊險狠陛下用人行
政一切墮于其術恐離間之漸將起於蠅營讒構之
釁必生于長舌忠
賢見疏恨刺骨

五月日中月星並見

孫真行以為大異上疏請修省

山東白蓮賊徐鴻儒作亂

王森以邪術倡教廣聚妖徒蔓延數省實為地方大害即當嚴急窮治以永靖根株乃森既攝錄有司尚令其伴逃三尺而其子及徒黨又皆概加寬縱遂致遠孽復滋敢于盜弄潢池所至恣

初薊州人王森嘗教一妖狐狐斷尾令藏之招人聞異香多歸附遂倡白蓮教自稱聞香教主其徒有大小傳頭及會主諸號蔓延畿輔山東山西河南及陝西四川後森為有司所攝斃于獄其子好賢與武邑于宏志鉅野徐鴻儒輩踵其教徒黨益眾躡擾山東幾二十年至是好賢見遼東盡失四方奸民思逞與鴻儒等約是年中秋並起兵會謀洩鴻儒先反自號中興福烈帝稱大成興勝元年用紅巾為識遂陷鄆城曹濮騷動四川妖賊又助之俄復陷鄆滕嶧三縣鄆縣五經博士孟承光被執不屈死滕縣知縣姬

遭殘破總由政
刑賞匪徒無
所畏懲而妖賊
橫行蓋亦亡微
之先見耳

文允視事甫三日城破登堂自經死以印界小吏魏
顯照及家僮李守務賊掠顯照索印顯照潛授其父
而與守務並罵賊死時山東郡縣無守備亦不置重
兵巡撫趙彥紳民兵增諸要地請留京操班軍及廣
東援遼兵以脩征調薦起故大同總兵官楊聲基統
山東軍討賊賊乘聲基未至襲兗州為滋陽知縣楊
柄及都司楊國棟所敗已而犯夏鎮韓莊叔掠漕艘
官軍連破之軍道始通賊又攻曲阜領馬步萬餘擁
至城下知縣孔閑禮率民兵力禦賊不能克引去時
賊精銳聚鄒滕間彥欲攻鄒縣副使徐從治曰攻鄒
滕難下不如擣其中堅兩城可圍也彥乃與聲基令
游兵綴賊鄒城而以大軍擊賊精銳屢而殪之嶧山
遂圍鄒大小數十戰城未下乃令天津僉事來斯行
及國棟乘間復滕縣國棟又大破賊于沙河乃築長
圍困之賊食盡其黨皆出降鴻儒單騎走擣之送京
師磔于市鴻儒臨刑歎曰我與王好賢父子經營二

十年徒黨不卞二百萬事不成天也鴻儒舉事凡七月而滅方鴻儒之未滅也于宏志亦起兵武邑應之殺人祭旗聲言取景州焚掠四十餘里官兵勦捕于宏志立馬仗弓飛舞而迎官兵斬之于馬下餘賊遂四散王好賢見鴻儒敗挈家南走至揚州事露就擒時論平賊功趙彥加兵部尚書餘進秩有差復以言官請修復孟廟命官致祭且恤孟氏子孫

質實

孟承光字永觀亞聖裔姬文允字士昌華州人趙彥

膚施人徐從治字仲華海鹽人來斯行蕭山人

發明

徐鴻儒等以邪教聚眾作亂至僭號改元攻破州縣此非尋常盜賊竊發者可比觀鴻儒

自稱經營二十年徒黨不下二百萬豈當時文臣武臣皆毫無所聞見而養癰貽患至此即鴻儒被執之後餘黨正多當時礮鴻儒而外不開搜捕根治使餘孽盡除而惟以寬縱了事夫平民從賊問

有出于叔背者然其中豈無為賊腹心爪牙之人乃以其黨出降悉置不問獨不念攻城破邑害官殺民荼毒之罪有不容輕宥者乎平時既漫無覺察事起則又一于玩弛此賊盜所以日盛而肆無畏忌馴至流賊熾而猶以議撫為事涓涓不息將成江河姑息之為害不其甚歟

六月以毛文龍為平遼總兵官

先是文龍襲取鎮江報巡撫王化貞而不及經略熊廷弼兩人隙始開時用事者方主化貞遂授文龍總兵官加至左都督掛將軍印賜尚方劍設軍鎮皮島如內地皮島亦謂之東江在登萊大海中綿亘八十里不生草木遠南岸近北岸北岸海面八十里即抵大清界其東北海則朝鮮也島上兵本河東民自天啟元年河東失民多逃島中文龍籠絡其民為兵分布哨船聯接登州以為犄角計中朝是之顧文龍所居

東江形勢雖足牽制其人本無大略性性劔敗歲糜
餉無算且惟務廣招商賈販易禁物無事則鬻參販
布為業有事亦
罕得其用焉

秋七月沈澶罷

刑部尚書王紀初因劾主事徐大化語隱及澶至是
再疏直攻澶比之蔡京澶亦劾紀庇熊廷弼獄詔兩
解之未幾紀削籍去葉向高言紀澶交攻俱失大臣
體獨斥紀如公論何澶不自安乃引去自澶首進募
兵之策結交閣寺遂開內操朝
議惡之及是罷歸後逾年卒
質實 沈澶劾王紀庇
廷弼薦遼陽佟卜年為監軍貪事張鶴鳴行邊以卜
年嘗通李永芳謀叛欲以甚廷弼罪鎮撫司獄具移
刑部紀與員外郎顧大章辨其誣改輕比故澶劾
之王紀字維理蒟城人顧大章字伯欽常熟人

八月以孫承宗經略薊遼

初王化貞既失廣寧關外五城七十二堡悉為喀喇沁諸部所據聲言助邊實懷窺伺經略王在晉與薊遼總督王象乾請給月糧歲費百萬又請築重關于八里舖設守兵四萬人寧前兵協餉事袁崇煥以為非策白之葉向高向高不能決承宗請身往定之乃詣關門相度還奏築重城不若築寧遠要害與覺華島相犄角因言在晉不足任自請督師帝許之賜尚方劍御門臨遣以寵其行承宗既至關定軍制申明職守以馬世龍為總兵官令遊擊祖大壽等守覺華島副將趙率教守前屯前後築城堡數十練兵十一萬造鎧仗數百萬間屯田五十頃我大清兵不深入而承宗防守嚴亦不致敗初軍聲頗振方承宗之督師也辟職方主事鹿善繼為贊畫薦監軍副使閻鳴泰為遼東巡撫帝皆從之及至關令善

繼治軍儲而以鳴泰無實略軍事多不預議鳴泰快
快求去承宗旋亦引疾帝乃罷鳴泰論留承宗以張
鳳翼為巡撫鳳翼怯力主守闕議承宗不可乃復出
闕抵寧遠集將吏議所守衆多如鳳翼指獨崇煥善
繼請守寧遠承宗然之義乃定命大壽興工崇煥及
滿桂宇之承宗將圖大舉請餉二十四萬帝即命所
司給之兵工二部相與謀曰餉足渠即
妄為故用文移往復緩之師竟不果出
質實八里舖在山海
闕外袁崇煥字元素東莞人馬世龍字蒼元寧夏人
趙率教陝西人本朝乾隆四十一年追諡忠烈鹿
善繼定興人滿桂蒙古人
喀喇沁舊作哈喇慎今改

九月增田賦

時增州縣兵御火馮
質實馮英趙州寧晉人
英請計畝加餉從之

封弟由檢為信王

即莊烈帝

上諭冊封信王于二十三日
皇極門外東廡百官行禮

給事中甄淑疏請文武一例殿試

疏言武舉中式一百六十人以本等巾服謝恩職方
會同科道查明年貌勇力伎藝才德注本人名下十
月上旬過堂令各陳所能先期演試十月望日皇上
臨軒策問閣臣與兵部尚書侍郎皇上欽定一甲三名
授都司僉事二甲三十名授守備三甲百餘名以所貢
次各授出身職方司遇缺便補定限三年內選完
實按成化中太監汪直請武舉設科鄉試會試殿試
悉如進士例不果行至是甄淑疏請之甄淑黃岡人

地震

先是二月濟南東昌河南海寧地震三月濟南東昌屬縣八連震三日至是平涼隆德諸縣及諸堡所地震如翻壞城垣七十九百餘文屋宇萬一千八百餘區壓死男婦萬二千餘口後十一月陝西又震

冬十月左都御史鄒元標副都御史馮從吾罷

都門非講學之地朝官非講學之人鄒元標等身列大寮自當以政務為重顧猶循里居餘事而于輦轂重地設苑分茅自高壇坫實非大臣所宜自處無論

初神宗時元標從吾以建言削籍里居講學垂數十年泰昌初兩人始召用已而同官都察院乃共建首善書院于京師御史周宗建董其事大學士葉向高為之記朝暇與同事高攀龍等講學其中名望日重而諸不附東林者咸忌之會明年當京察給事中朱童蒙郭允厚郭興治慮為元標所黜童蒙乃首劾之以講學為門戶元標疏辨求去帝已慰留允厚復繼劾語尤妄誕而魏忠賢方竊政傳旨謂宋室之亡由于講學將加嚴誡從吾言宋之不競以禁講學故非以講學故也葉向高亦力為解且乞同去乃得溫旨

招聚生徒易涉黨援形迹即揆之宋時四大書院遺意入地亦迥不相作豈亦循名而失其實乎在羣小憎其抗直借事生風力為攻訐甚至殃及先師未主其奸邪固不足責然元標等不從黃尊素之言致鼠輩得借為口實貽禍清流自檢亦已疏矣

而興治復力攻比元標于山東妖賊元標從吾遂並引歸先是書院方建御史黃遵素謂元標曰都門非講學地徐文貞已叢議于前矣謂徐階也元標不能用至是尊素言果驗元標從吾既歸羣小擊碎其碑暴于門外先師未主委棄路隅經史典籍盡被焚而院獨存後崇禎中禮部尚書徐光啟率西洋人湯若望等偕院修質實郭允修曹州人郭興治東光人徐光啟字子先上海人歷署白歷局

癸亥 三年春正月以顧秉謙朱延禧朱國禎魏廣微並為

尚書兼東閣大學士預機務

廷推閣臣首列孫慎行盛以宏皆不用時魏忠賢用事因言官周宗建等首劾之忠賢于是謀結外廷諸臣秉謙廣微率先詣附霍維華孫杰之徒從而和之忠賢乃援秉謙廣微偕延禧國禎入閣時閣中已有

葉向高韓嶺何宗彥朱國祚史繼偕又驟增四人直
房幾不容坐秉謙廣微庸劣無恥忠賢得為羽翼勢
益張而二人曲奉
質實
顧秉謙崑山人朱廷禧聊城
忠賢儼如奴役
人朱國禎字文寧烏程人魏

廣微南樂
人允貞子

紅毛番據澎湖

紅毛番即和蘭地近佛郎機在西南海中其人深目
長鼻髮眉鬚皆赤足長尺有二寸頗偉倍常萬厯中
福建商人歲給引往販呂宋諸國和蘭人就而轉販
未敢窺中國也自佛郎機市香山據呂宋和蘭甚慕
之二十九年駕大艦攜巨礮直薄呂宋呂宋人力拒
之則轉薄香山澳澳中人詰問言欲通市貢不敢為
寇當事難之召其酋入城旌處一月不敢聞于朝乃
遣還海澄人李錦及奸商潘秀郭震販久與和蘭

人習語及中國事錦曰若欲通貢市無若漳州者漳
南有澎湖嶼去海遠誠奪而守之貢市不難成也錦
乃代為書移守臣即俾秀震齎書當事大駭繫秀于
獄震不敢入初秀與苗約有成議乃聞而苗不及待
即駕艦抵澎湖錦往偵被獲亦下獄已而議遣二人
諭其苗還國且拘震與俱苗觀望不肯去時稅使高
宋者嗜賄甚隱遣心腹周之範詣苗說以三萬金餽
宋即許貢市苗喜盟有日矣會總兵施養政令都司
沈育容將兵往諭有容負膽智大聲論說苗心折乃
悔悟令之範還所贈金止有哆囉哩玻璃器及番刀
番酒餽宋乞代奏通市宋不敢應而撫按嚴禁奸民
下海犯者必誅由是接濟路窮番人乏食始揚帆去
然是時佛郎機橫海上紅毛與爭雄復泛舟東來侵
奪臺灣地築室耕田久留不去已又出據澎湖築城
設守漸為求市計守臣懼禍說以毀城徙去即許互
市至是果毀其城然據臺灣自若及互市不成復築

澎湖尋犯廈門官軍却之濱海郡邑為之戒嚴既而
巡撫南居益請于朝發兵出擊時數月寇又不退乃
大發兵諸軍齊進寇勢窘運米入舟而去獨渠帥高
文律等十二人據高樓自守諸將破擒之澎湖之警
始息其據臺
貨實和蘭明史外國傳和蘭本國去中
灣者如故國絕遠華人未嘗至其所恃惟巨

舟大礮舟長三十丈廣六丈厚二尺餘樹五桅後為
三層樓旁設小牕置銅礮桅下置二丈巨鐵礮發之
可洞裂石城震數十里世稱紅夷礮即其制也柁後
置照海鏡大徑數尺能照數百里云佛郎機近滿喇
加正德中據其地逐其王遣使臣貢方物請封始知
名呂宋在南海中去漳州甚近澎湖島名在今泉州
府東海中與金門所相對宋史泉州東有海島曰彭
湖烟火相望即其地也臺灣在福建泉州南海中古
曰東番今為府屬福建布政使廈門在泉州府同安
縣西南海中嘉禾嶼有城今設提督總兵官駐之分

巡道及府同知亦駐此沈有容字士宏宣城人南居
益字思受潯南人後闖賊入闕不屈死 本朝乾隆
四十一年
追謚忠烈

發明

和蘭僻在海島素不知名並非佛郎機呂宋
諸國可比其薄香山澳求通貢市當事既已

難之則當奏開于朝嚴拒其實乃招其酋入城遊
處匝月使彼得窺中國所有益生艷戀而不肯去
而奸商輩遂得肆其邪謀為之導誘皆始謀不臧
蒙蔽養奸有以致之也至高家貪黷嗜賄通問始
交令番酋生心輕視中國澎湖臺灣之警歷時不
弛則尤此事罪魁時錦秀等論死戍邊而獨不開
治高家贖賄之罪是朝廷于致患之由固未周知
亦不欲深究失刑漏網又豈獨高家一人已哉

遣中官刺邊事

唐時以宦官十
道巡邊弊政豈

宜做效素宗果
欲洞悉邊事則
于一切奏報虛
心體察何慮為
將帥所朦若中
官出使方隅不
過恐睚自肆其
愛憎顛倒所言
又豈可憑乃欲
藉若輩為耳目
謂可盡得邊情
何異使輩者將
命替者導行乎
況極人竊柄方
欲借兵事以冒
賞逞威素宗又

帝好察邊情常遣中官詣闕門具事狀奏報名曰較
事及魏忠賢竊柄遣其黨劉朝等四十五人齎甲仗
弓矢白金文綺先後至山海關頒賚將士實規軍也
孫承宗疏言中使觀兵自古有戒當水旱荒疫之後
將領罷邊籌而事逢迎士卒釋戈甲而供使役俱屬
未便且山海關城知中使將出將吏憂懼即令命使
已行無容追議恐後此創為
事例不可不慎也帝不省

三月太白晝見

二月丙戌晝見至
是月丁巳又見

夏四月京師地震

震日庚申朔也
十月乙亥復震

從而傳之以翼
慎亦甚矣

朱國祚罷

國祚在閩素行謹慎事持大體十三疏乞休遂許之
未幾史繼偕亦致仕先是刑部尚書王紀為魏忠賢
所逐國祚疏救復具揭爭之紀為禮部侍郎
嘗以事忤國祚者也人以其稱國祚長者

五月四川總督朱燮元克永寧奢崇明走龍場

先是川兵既克重慶貴州兵亦復遵義已而遵義再
為賊所陷推官馮鳳雛被殺朝議加燮元兵部侍郎
為四川總督討賊至是燮元謀直取永寧集將佐曰
我久不得志于賊者我以分賊以合也乃盡撤諸軍
會長寧連破賊砦與秦良玉合兵搏戰賊大敗遂入
青崗平抵城下援之降賊二萬副總兵秦衍祚等亦
克遵義崇明父子逃入舊蘭州城尋為秦將羅乾象
所攻克賊勢益蹙乃率餘衆走水西龍場借兵安邦

王三善進討奢
苗雖連戰推鋒
軍聲頗振然亦
值其敗竄之餘
易于秦績並非
有勝算獨操沈
既薄賊巢益當
乘勝掃除以清
廢簪乃三善輒
因屢捷生驕淹
留日久而于邦
彥等假息游魂

彦邦彦造二軍規遵義永寧變元又敗走之諸將乘
勝蹙入龍場生擒崇明妻宋氏及其弟崇輝斬獲萬
計崇明父子竄深霄得免時變元以永寧既拔蜀中
已靖遂不窮追而貴州巡撫王三善以崇明竄入水
西會師六萬進討屢戰皆捷遂渡渭河直抵大方入
居安位第位與其母社輝走火灼安邦彥匿織金皆
不敢出三善既連破賊有輕敵心謂賊不足平駐大
方久之會糧盡不得已退師乃焚大方廬舍而東賊
躡之副總兵秦民屏參將王建中戰歿三善遂為降
賊陳其愚所害其愚者賊腹心先詐降三善信之令
隨行遇賊其愚衝三善墮馬三善知有變急解印綬
付家人欲拔刀自刎羣賊擁之去罵不屈遂遇害監
軍付使兵具仰同知梁思泰主事田景質實龍場庄
猷等四十人皆死之于是賊勢又熾
永寧永寧縣東南與貴州大定府畢節縣接界今為
營有守備駐此考此又一龍場非王守仁所謫之龍

竟爾置之不問
致賊人得乘其
退兵之隙尾蹙
猖狂前功盡棄
皆由輕敵老師
坐取殞沒三善
節雖可矜而告
罔無可諒也

場驛也長寧隨瀘州地唐長寧州宋為軍明縣今因
之青崗坪在叙永縣西亦曰青崗關蘭州城唐置州
宋廢故城在今叙永縣東渭河在大定府黔西北州
東南流會于陸廣河大方即今大定府治舊為安氏據
為巢穴火灼城名在黔西州北織金亦城名在黔西
州西北地最深阻王三善崇禎初贈兵部尚書世廕
錦衣僉事後又贈太子太保岳其仰延安人贈光
祿卿田景猷貴州思南人贈太常卿並錄其一子
客氏魏忠賢殺光宗選侍趙氏幽裕妃張氏于別宮殺
之

客魏肆惡慮妃嬪白其罪矯旨賜趙選侍自盡寵侍
出光宗賜物列于庭西向禮佛痛哭自經幽裕妃別
宮絕其飲食天雨妃制匭承檐溜飲之而死皇后張
氏素精明客魏憚之后又數于帝前刺客魏過失是

年后有娠客氏密布心腹宮人以計墮之帝用此乏
嗣又于帝郊祀日掩殺帝所寵馮貴妃左右無敢言
者范慧妃以讒夫寵李成妃為之乞憐客魏知之亦
幽成妃別宮成妃故薨裕妃飢死預備食物壁間半
月不死斥
為宮人

發明

從來闈寺擅權必結宮闈以自固其間有害
及宮闈者亦必藉寵盛之宮闈以肆其毒至

客魏肆惡已稔慮妃嬪白其罪竟敢矯旨殺先朝
選侍浸假而幽裕妃浸假而墮后胎殺貴妃幽成
妃宮中生殺惟所欲為并不必有所憑藉此實前
代所希聞者肅宗雖童駿至于不能保有妃嬪且
不能保其子而不之覺殊出情理之外奸璫之壞
朝政而害忠良莫甚于有明一代而若此之忌害
宮闈作威擅殺即明季亦所未有楊漣一
疏所為捫髮數之而痛哭流涕者此也

冬十月以趙南星為吏部尚書

先是南星為左都御史慨然以整齊天下為己任與吏部尚書張問達掌京察政給事中并詩教趙興邦官應震吳亮嗣先朝結黨亂政議黜之吏科都給事中魏應嘉力持不可南星特著四兇論卒澄汰之天下快甚又巡方者有提薦人材之例南星已奏止之而踵行如故南星復劾奏巡方者始知畏法至是問達罷南星代為吏部銳意澄清獨行己志政府及中貴憚其剛嚴不敢有所干請魏忠賢雅重南星名遣其甥傅應星謁見拒不納遇忠賢于朝正色語曰主上冲齡我輩內外臣子宜各努力為善忠賢嘿然怒形于色大學士魏廣徵南星友乞貞子也素以通家子畜之廣徵入內閣三至南星門謝弗見又嘗歎曰見泉無子見泉允貞別號也廣徵恨刺骨與忠賢比而訛南星然當是時東林執盛葉向高韓爌方輔政

南星掌銓李騰芳陳于廷佐之高攀龍楊連左光斗
秉憲魏大中袁化中掌科道鄭三俊李邦華孫居相
饒伸王之象輩悉居卿貳而郎官鄒維璉夏嘉遇張
光前任國祥劉廷諫等亦皆民譽衆正盈廷激揚風
議忠賢頗憚之子質實李騰芳字子實湘潭人陳于廷
外事未敢大肆實實字孟諤宜興人袁化中字民諧
武定人鄭三俊字用章池州建德人鄒維璉字德耀
瑞州新昌人張光前字爾荷澤州人程國祥字仲若
上元人劉廷諫
順天通州人

十二月封李侗為朝鮮國王

先是朝鮮國王李昖奏立其次子瑋為嗣禮部執立
長之議不許萬歷三十六年昖卒瑋自稱署國事遣
陪臣來外且請誥帝惡其擅不允三十七年十月始
封瑋為國王王從其臣民之請也諡昖曰昭敬天啟三

魏忠賢竊弄魁
柄終惡已盈顧
此時雖衆正不
容羣奸漸進而
刑獄之柄尚在
南司故能動于
惡而無由自逞
迨當憤盛甚遂

地震

年四月國人廢琿而立其姪倅陽言倅以昭敬王妃
之命權國事移文督撫轉奏毛文龍為之揭報登州
巡撫奏可立上言琿果不道宜聽太妃具奏以待中
國更立疏留中八月皇妃疏請封倅禮部尚書林堯俞
請遣信臣會同文龍公集臣民詢訪勘辦十二月文
龍申送到彼國公結乞令倅統理國事再遣重臣往
正封典至是遂
封倅為國王

魏忠賢提督東廠

兩京鳳陽蘇松淮
揚泗滁同日俱震

初神宗末刑罰弛縱而廠衛緝事亦漸稀簡詔獄至
生青草及是忠賢以司禮秉筆領東廠事車馬儀衛

藉東厥以立威
于是緝捕之權
一歸掌握許顯
純輩人以羅鉗
吉綱為之鷹犬
爪牙延禍縉紳
由茲益烈浸假
而殿衛之命儼
然與詔旨並行
凶殘執騰將及
四載清流幾靡
有寸道薰宗重
駭昏蔽授以太
阿固不足深責
而天道昭昭竟
不獲持善類殆


僭擬乘輿已而任用田爾耕掌衛事許顯純為鎮撫
理刑羅織無遺鍛鍊殘酷厥衛之毒于斯而極矣

質實

田爾耕任印人
許顯純定興人

括天下庫藏輸京師

葉向高言郡邑庫藏已竭藩庫稍餘倘盡括之
猝有如山東白蓮教之亂將何以應帝不納



由明詐將頗故
不惜假手閹奴
以厚之毒耶

御定資治通鑑綱目三編卷三十二